



Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di
Firenze.
CFMAGL. 1.6.143/a






Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di
Firenze.
CFMAGL. 1.6.143/a



Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di
Firenze.
CFMAGL. 1.6.143/a



Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di
Firenze.
CFMAGL. 1.6.143/a

ALIA
Caroli Sigonii Errata

LONGE PLURA, QVAM

Quæ nuper sunt edita,

IN EODEM COMMENTARIO

In Fastos, & Libro De Vita et rebus gestis

SCIPIONIS,

AB EODEM ANTONIO BENDINELLIO
Patefacta.



L V C Æ
Apud Vincentium Busdracum
1570.

Caroli Sigoni

Longi

Forma

Forma

Forma

Forma

Forma

Forma

Forma

Forma

Forma

Forma

Forma

Antonius Bendinellius

CAROLO SIGONIO.



VPER veritatis illustran-
da causa, honorisque mei
tuendi necessitate compul-
sus errata permulta ad hi-
storiā Africani Mino-
ris tantum pertinentia
partim ex paginis sex tui
Cōmentarij in Fastos, par-
tim ex libro de Vita & re-
bus gestis Scipionis, col-
lecta diuulgavi. Nunc au-
tem quingēta & amplius
ex eodem Commentario,

& libro, quæ, ut si iterum lacefferer, recens in arenam descende-
rem, mihi reseruaram: cum ut meas iniurias persequar, tum verò
ut communi vtilitati consulam, edere statui. Nam cum à bonis, do-
ctisq̃ue hominibus aliquam tuorum scriptorum te dignam, eoq̃ue
Leone, quem in pugna Robortelliana te iactas, egisse, defensionem
desiderari: teq̃ue id omninò præstare non posse intelligeres: tamen,
ut aliquid dicere viderere, & dolori, quo grauissimo disrumperis
non nihil mederere: primùm quædam in meis scriptis reprehende-
re, & ex ijs præsertim, quæ à me tibi fuerant obiecta: Deinde pau-
ca ex tam multis tuis erratis defendere summa cum acerbitate ver-
borum statuisti: & hæc omnia, ut in manus hominum absque tuo
nomine peruenirent, malitiosè, ac turpiter curasti. Camillum
enim Coccapanium hominem gloriosum, ad audendum maxime pro-
iectum, mihiq̃ue inimicissimum facile impulisti: ut hunc tuum post
duos annos egregium conatum sibi ascriberet, suum esse prædicaret,
ac pro suo diuulgandum curaret, summo mehercule cum vtriusque
dedecore. Nam, ut omittam, quòd ex ipso suppresso nomine facile
coniici potest, quale sit genus reprehensionis, atque defensionis
tuæ, & quid viri probi, atque literati de vtriusque vestrum factò

A 2 sine

sint iudicaturi: cum me de te optimè meritum esse confessus fueris, ac literas ad me dederis: te nulla re magis in vita gloriari consuevisse, quàm quòd me doctorem habueris: Coccapanium non solum à me alienasti, & literis conuitorum plenis in me armaſti: sed huius etiam tua libidinis, ac turpitudinis ministrum esse voluisti: & is cum ab anno quarto ætatis suæ vsque ad duodecimum me humanissimo, atque amantissimo præceptore Mutinæ vsus fuerit: eaque sub mea disciplina bonarum literarum fundamenta iecerit, quibus adhuc facile stetit, vitamque & spiritum duxit: ut quantum posset, me laderet, in inuidiam vocaret, & ipse aliquid esse putaretur, libentissimè tuæ cupiditati mei vliscendi, dolorisque tui eo modo leniendi, morem gessit. Qua in re me illud in primis consolatur: quòd, dum & publice, & priuatim me verborum contumelijs laceratis, dum scriptis petulantissimis, & mendacibus conſectamini, & omni prorsus dignitate spoliare conamini: omnium mortaliū ingratiſſimi cognoscimini. quo quid turpius, quid flagitiosius, & consceleratius dici, aut excogitari poteſt? sed hac de re pluribus, alio loco. Communis quoque utilitas hoc in genere ſcriptionis multò magis mihi proposita fuit, quàm tuæ iniuria. cum enim tua scripta permultis esse referta mendacijs, & flagitijs animaduertiſſem: hominis esse non probi solum, sed pij etiam putauit ea publico scripto nota facere, atque eo modo non tam huius ætatis hominum, quàm etiam poſteritatis utilitati quamprimum nulla neque laboris, neque impensa habita ratione, prospicere: ut qui poſthac tuorum ſcriptorum testimonijs uti volent (quanquam cur velint non video) quid in eis ſequendum ſit, quid vitandum paruo labore, atque ſumptu ſcire poſſint. Quare non, ut hæc ſolum quamprimum in manus hominum peruenirent, nunc operam dedi, sed etiam, conſutatis breui, ut ſpero, tuis contumelijs, & malignis reprehensionibus: atque ſimul vanitate, & malitia tuæ deſenſionis demonſtrata (& ſi in his tuis erratis, ubi res, & locus poſtulabit, utrunque faciam) conſtitui hac hyeme oũ τῷ θ.ϰ., tum quod reliquum eſt tui Commentarij, tum reliqua, ſcripta omnia excutere diligentissimè, & quicquid probabile non videbitur, in lucem proferre, conſtitui. Tu interim hæc perlege: & ſi iſtum tuum primum in me conatum ſatis honorifice; ac proſperè tibi ceſſiſſe intellexeris, eadem, ut minitaris, tua defendendi, meaque reprehendendi ratione utere. Sed iam nimium fortasſe præſati ſumus, ad rem aggrediamur.

Ad an. CDXXCVIII. Pag. 49.

VETUSTAS integras nobis consulares, triumphalesque tabulas usque ad secundum bellum Punicum reliquit. Hoc est falsum. sunt enim integræ usque ad an. v. c. DXXXI. At bellum secundum Punicum captum est, an. v. c. DXXXV.

Ad an. CDXXXCI. pag. 49.

In hunc annum consules edunt Ap. Claudium, Q. Fulvium, Casiodorus, Eutropius, Orosius, Florus. Meus Eutropius, Orosius, Florus sic habent. Eutropius lib. ii. Primum Ap. Claudio, Q. Fabio consulibus in Sicilia contra Afros pugnatum est. Paullus Orosius lib. iiii. cap. vii. an. ab. v. c. CCCC LXXXIII. Ap. Claudio, Q. Fabio consulibus, Mamertinis. Florus lib. ii. cap. ii. Populus, inquit, Romanus Ap. Claudio consule primum fretum ingressus est.

Ibidem.

Ap. Claudii Consulem, cui Sicilia obtigerat Mamertini ad se vocarunt. Poly. lib. i. ὁ πρῶτον στρατηγὸν ἄπὸν κλαυδίον ἐξαπέστειλαν. id est. Consulem ducem Ap. Claudium in Siciliam emiserunt. Siugitur missus fuit, non ei Sicilia obigit, ut tu dicis, quod pertinet ad sortē.

Ibidem.

Ap. Claudius Hieronem pralio ita fregit, ut ipse relicta Messana se Syracusas receperit. Quid Sigoni de Carthaginienfibus hostibus sempiternis factum est? non ne & ipsi una cum Hierone Messanam obsidebant? nonne & ipsi die insequenti fusi; fugatique fuerunt, & Messana obsidione liberata?

Ibidem.

Priorem causam tradit etiam Eutropius. Hoc est falsum.

Ad an. CDXCI.

Erbesus, quod erat horreum Populi Romani, ab Annone receptum. Pœni nihilominus fame oppressi ad summam dimicationem cum venissent, victi sunt. Hæc Polybius. Tu sententiam Polybii non es assecutus. qui lib. pri. πρῶτον μὲν inquit, πραξικοπίσας κατέσχε τὴν τῶν ἐρβέσων πόλιν; καὶ παρέλετο τὰς ἀγορὰς, καὶ τὴν τῶν ἀναγκαίων χορηγίαν τοῖς τῶν πενατίων στρατοπέδοις. id est. Primum quidem sollicitatis ciuibz urbem Erbeseorum proditione cepit; atque commeatus, & rerum necessariarum suppeditationem hostibus ademit. Primum dicimus, illa, *Erbesus receptum*, non coherere

coherere. Deinde hæc, *quod erat horreum populi Romani*, temere à te addita. quasi tum P. R. inde triticum Romam exportaret. Deinde quæro, quo modo receptum. Proditione, respondet Polybius. Postremò prorsus negamus Pœnos fame Agrigenti oppressos venisse cum Romanis in dimicationem. Nam Annibal, qui Agrigenti obsidebatur, & fame premebatur silentio noctis, Agrigento, ut scribit Polybius, clam cum suis aufugit; tantum abest, ut dimicauerit.

Ad an. CDXCIII.

Ibi ab Annibale Pœnorum duce conclusus, & captus est. Non vera dicis. Polybius, lib. pri. ita prodit. ὁ δὲ τῶν καρχιδονίων στρατὸς ἀντίβας ἀκούσας ἐν τῷ παρόρμῳ τὸ γεγονὸς ἐξαποστῆλλαι βούληται τῆς γενομένης ὑπάρχοντα ναὺς ἑκοσι δούς, id est Annibal aut Pœnorum dux audito, Panormi cōsulit aduentu. eò misit Boode quendam Senatorem Carthaginensem cū viginti nauibus. & paulò infra. ὁ δὲ καρχιδόνιοι τὰς γὰρ ναῦς, καὶ τὸν στρατηγὸν ὑπεναγκάσαντες ὑποχίροντες ἄγοντες παρεχρήμα πρὸς τὸν ἀντίβαν ἀπῆραν. id est. Carthaginenses autem secum naues abducentes, & hostium ducem captivum cōfestim ad Annibalem redierunt. Ergo Cn. Cornelius à Boode, non ab Annibale, qui Panormi erat, conclusus fuit, & captus.

Ibidem.

C. Duilius Pœnos navali prælio congressus, devicit, Annibal vix Carthaginem incolumis rediit. Invertis ordinem, & omnia perturbas. Tradit Polybius, Annibalem post navalem pugnam Panormum se recepisse; atque inde multò post cum illis nauibus, quæ prælio superfuerant, Carthaginem rediisse, hoc est, post Aegestam ab Romanis obsidione liberatam, & Macellam vi captam, ac denique post interfecta ab Amilcare quatuor millia sociorum Romanorum, quæ quidem tu post Annibalis profectiōnem facta commemoras: & addis de tuo. *vix incolumis.*

Ad an. CDXC VII. pag. 51.

M. Atilius, & L. Manlius in agrum Carthaginensem impetū faciunt. Quid rei gesserint, tu referre non curas, ne ab instituto tuo discedas: quod est, ut ubi est opus brevitate multus sis: ubi verborum multitudine, sis brevis. tradit Polybius, ipsos, neminē obviam procedente, regionem populosam fuisse, multa domicilia incendisse, vim magnā quadrupedū omnis generis, homines supra xx. milia captos ad naues adduxisse. infra etiam hæc scribis, *Carthaginenses tribus ducibus*

ducibus *Asdrubali*, *Bostari*, & *Amilcari* regionis præsidium tradunt. primum hæc, non tradit *Phlybius*. deinde, cur non explicasti pugnam *Atihii* secundam cum tribus *Pœnorum* ducibus?

Ad an. c d x c viii. pag. 51.

Hoc probant *Linii* verba, quæ sunt libro xx iii. Falsum est hoc *Linium* eo in libro tradere.

Ibidem pag. 52.

Igitur *Aemilius Paullus*, & *Fulvius Nobilior* consules audita captiuitate *Reguli* (inquit *Orosius*) & clade exercitus *Romani* transire in *Africam* cum classe cc. nauium iussi *Clupeam* petunt. eò & *Carthaginenses* cum pari classe confestim venerunt. nec differri potuit nauale certamen ciiii. naues *Carthaginensium* demersæ. xxx. cum pugnatoribus captæ. præterea triginta quinque millia militum cæsa sunt. *Romanorum* autem nouem nauibus deprehensis, mille centum periere milites. Consules *Clupeæ* castra posuerunt. cū duo *Annonæ* eò cum magno exercitu conuenissent, prælio commissio ix. millia militum perdiderunt. Post autem cum *Romana* classis ad *Italiam* prædis onustam remearet, infando naufragio euersa est. nā ex ccc. nauibus ccxx. perierunt. lxxx. vix abiectis oneribus liberatæ sunt. *Amilcar* cum exercitu in *Numidiam*, & *Mauritaniam* missus, postquam hostiliter in vniuersos egit &c.

Cum tu eò impudentiæ, & arrogantæ perueneris, vt omnia tibi in antiquis scriptoribus licere putes, ad omnium vtilitatem ista tua impudentia, & arrogantia est reprimenda ipsorum testimoniis. Quare, vt hoc commodius fiat, verba *Orosii* ex lib. iiii. cap. ix. vt se habent, afferam. Igitur *Aemilius*, inquit, *Paullus*, & *Fulvius Nobilior* consules audita captiuitate *Reguli*, & clade exercitus *Romani* transire in *Africam* cum classe ccc. nauium iussi *Clupeam* petunt. eò confestim *Carthaginenses* cum pari classe venerunt, nec differri potuit nauale certamen. ciiii. naues *Carthaginensium* demersæ, triginta cum pugnatoribus captæ. præterea trigintaquinque millia militum ex ipsis cæsa sunt. *Romanorum* autem nouem nauibus deprehsis, mille centum periere milites. Consules apud *Clupeam* castra posuerunt. Duo *Annonæ* Imperatores eò rursus cum magno exercitu conueniunt, prælioque commissio nouem millia militum perdiderunt. Cum *Romana* classis prædis onusta ad *Italiam* remearet, infando naufragio euersa est. nam de trecentis nauibus ccxx. perierunt, octoginta vix, abiectis oneribus

bus, liberatæ sunt. Amilcar dux Pœnorum cum exercitu in Numidiam, Mauritaniamque missus, postquam hostiliter, cruentęque in vniuersos egit &c. Orosius, depreßis nauibus. tu, qui quotidie vim, ac potestatem verborum latinorum, vsumque linguę latinę alios publicę doces, *depreßis* scripsisti. cum longę aliud sit deprimere naues, ac deprehendere. ille apud Clupeam; tu *Clupea*; quasi Romani victores consueuerint post victoriam in vrbibus ponere castra. Orosius de trecentis, tu *ex trecentis*. omisisti hæc; *iterum, imperatores Pœnorum, dux Pœnorum, cruentęque, ex ipsis*. Loco mouisti propter numerum, credo; eò *confestim*. Hæc addidisti; & *cum, post autem cum*. Atque cum Orosius scripserit cum classe ccc. nauum tuus librarius fecit cc.

Ad an. D. pag. 52.

Consules CLX. nauibus in Siciliam inde in Africam transgressi vniuersam oram maritimam, quę circa syrtes est, depopulati sunt. ignari autem locorum cum in syrtes impulissent, onera abicere omnia, vt naues subleuarent, coacti, cum retro in Siciliam atque ex Sicilia in Italiam irent, cohorta tempestate CL. naues onerarias & prædam amiserunt. Itaque S. C. factum, ne amplius, quam LX. nauium clāsis ad subsidium Italia haberetur. Hæc Polybius, Eutropius, & Orosius. Cum meus Polybius nihil eiusmodi prodāt, reliquū est vt videamus an reliqui duo isthæc narrent. Orosius lib. iiii, cap. ix. Seruius, inquit Cæpio, & Sempronius Blæsus consules ducentis sexaginta nauibus ad Africā transgressi vniuersam oram maritimam, quę circa Syrtes iacet, depopulati sunt, atque in superiora progressi, captis, euerfisq̃ue ciuitatibus plurimis ingentem prædā ad classem deuexerunt. Inde cum ad Italiam redirent, circa Palinuri promontorium, quod à Lucanis montibus in altum excurrit, illi scopulis centum quinquaginta naues onerarias, nobilemque prædam crudeliter acquisitā infelicer perdidērunt. Eutropius lib. 2. Cui inquit Seruius Cæpio, & C. Sempronius Blæsus consules cū ducentis sexaginta nauibus ad Africam profecti sunt, aliquas ciuitates ceperunt, prædam ingentem reducentes naufragium passi sunt circa Palinurum promontorium. Videamus nunc vtrum horum sis secutus. Orosius, & Eutropius cclx. naues prodant; Tu CLX. illi in Africam scribunt, tu in Siciliam inde in Africam. Orosius circa Syrtes iacet. Tu circa Syrtes est. Orosius in superiora progressi captis, euerfisq̃ue ciuitatibus plurimis. Eutropius aliquas ciuitates ceperunt

reperunt. Tu hæc neglixisti omnia. illi circa Palinurum promontorium Romanos naufragium fecisse dicunt. tu nihil, sed pro his addidisti: *Ignari locorum cum in syrtes impulissent, onera abicere omnia, ut naues subleuarent, coacti: Itaque S.C. factum ne amplius quam sexaginta nauium classis ad subsidium Italiæ haberetur.* denique Orosius cum ad Italiam redirent. *Tu arrogantissime cum retro in Siciliam, atque ex Sicilia in Italiam irent.* & audes scribere. Hæc Polybius, Eutropius, & Orosius? est ne hoc afferre scriptorum testimonium, an omnia peruertere, an omnia mendacius referre, & obscurare?

Ibidem 493. pag. 50.

Iussis nauibus omnibus ad fretum venire. Polybius lib. primo. γνάϊος κορήλιος συνταξας τοῖς ναυάρχοις, ἐπειδὴν κατὰ τὴν ὁδὸν τὸν στόλον πλεῖν ὥς ἐπὶ τὸν πορθμόν. C. Cornelius imperauit nauarchis, ut, ubi classem absoluisset, nauigarent tanquam ad fretum. num pestis veterum auctorum, naues habebant & audiendi, & veniendi facultatē? apud quem leges iubere naues venire? si Polybius, mandat, inquit, nauarchis: cur tu nauibus?

Ad An. DI. pag. 52.

Polybius *Cotta nomen omisit, victoriam autem his verbis expressit. Romani Thermam, & Liparas interea obsiderunt.* Ego in hac tua versione nullam video expressam victoriam. viderem si recte Polybium conuertisses. tradit enim Cottam cepisse Thermam, & Liparam; tu verò obsedisse tantum. θερμὴν inquit, lib. primo, καὶ λίπαραν ἐξεπολιόρκισαν. Thermam verò, & Liparam obsidione expugnarunt. En græcè scientium deus. qui etiam, *Liparas* verti, cum vnius tantum insulæ sit proprium nomen.

Ibidem 52.

Frontinus lib. iiij. *Cotta consul P. Valerium Pecuniolam sanguine sibi iunctum, quem obsidioni Liparitana ad auspicia repetenda Messanam transiturus, præfecerat, virgis cæsum militiæ munere inter pedites fungi coegit. quod eius culpa ager incensus, & penè castra erant capta.* Attende Sigoni, an ea, quæ supra de tua singulari impudentia & audacia dixi, vera sint. Frontinus lib. iiij. cap. pri. P. inquit, Valerium sanguine sibi coniunctum quem obsidioni Liparitarum ipse ad auspicia repetenda Messanam transiturus, præfecerat, cum ager incensus & capta castra essent, virgis cæsum in numerum gregalium peditum referri, & muneribus fungi iussit. Ad

B

didisti

didisti de tuo, *Pecuniolam*. reliquisti, in numerum gregalium *pe-*
dicum. Frontinus sanguine sibi coniunctum; tu *iunctum*. Fronti-
nus in medio posuit causam animaduersionis; tu in fine. ille scribit
castra fuisse capta; tu qui melius ea nosti, negas, cū dicis, *penē capta*.

Ad an. DIII. pag. 53.

Asdrubal cum altero consule cum parte copiarum Romam re-
uerso, solum Metellum Panormi se continere, audiret: ex Lily-
bæo in Panormitanum agrum irrupit. Metellus eum traicien-
tem flumen adortus maxime elephantorum quos in Romanos ille
impulerat, in suos fuga, summo prælio superauit. Non dicit Poly-
bius cum parte, cum vigintiquinque etiam milites pars esse potuis-
sent, sed cum dimidia parte copiarum, his verbis. μετὰ τῆς ἡμισείας
συνεμύησε. id est cum dimidia copiarum parte. ad hæc, affirmamus
auctore eodem Polybio, Metellum non in transitu fluminis, nec eo
die, quo Asdrubal flumen traiecit; sed haud non multo post,
propē in ipsis Panormi fossis cum Asdrubale pugnasse.

ignorant. Bend.
appellatione pan-
ormi uenire lili-
bæi. S. qui ad in-
caros. C. p. 101. b.
S. de strac. 4. i.
in carceribus. S.
in carceribus. S.
et se p. 101. b. uis.

Ad An. DIII. pag. 53.

Hoc anno Romani, inquit Polybius, *Metelli victoria elati, no-*
ua edificata classe, & vetere refecta consules C. Atilium, & L.
Manlium in Siciliam miserunt. Anno superiore nouas xl. naues,
auctore Polybio Romani ædificauit: & veterem refecerunt; &
hoc anno consules cum cc. nauibus in Siciliam traiecerunt. quæ
tu, qui Polybium profers, non tibi attingenda, putasti, ut nihil in-
tegrum, nihil certi lectores habere possint.

Ad An. DIII. pag. 54.

Verum quibus Romanis ducibus, ac quid quoque anno sigillatim
gestum sit, memoria proditum non esse ait Polybius. Non recte
narras. Polybius prodit, permulta ibi præclara facinora, & a Ro-
manis, & Carthaginensibus edita. quæ tamen singillatim comme-
morare esset difficillimum, & causas huius difficultatis infra pluri-
bus explicat. πολλοὺς, inquit, καὶ ποικίλους ἀγῶνας συναστῆσαι
κατὰ γὴν σχεδὸν ἐπὶ τρεῖς ἑνιαυτοὺς περὶ ᾧ οὐδὲν οἶον τε διὰ τῆς γρα-
φῆς τῶν κατὰ μέρος ἀποδιδόναι λόγον. id est. ibi multas, & varias
pugnæ per tres fere annos commisit; quæ nullo modo singillatim
explicari possunt. ex his Polybii verbis apparet, primum illa esse tua
verba: *Quibus Romanis ducibus.* Deinde Polybium de se ibi lo-
qui, nō de aliis historicis. Deinde, Polybius κατὰ μέρος ἀποδιδόναι
sigillatim gestum sit. dic obsecro, quid sit sigillatim gerere. Po-
stemō

Artemd te imperitē me reprehendere, quodd apud Appianum, καὶ ὡς ποικίλους, varia cetamina sim interpretatus. sed hac de re alias pluribus. Ad An. D x i. pag. 54.

C. Lutatio consuli cum iam Drepani portum, ceterasque, quæ circa Lilybeum sunt stationes in potestatem redeisset; Anno classis præfectus ad Amilcarem nauigans occurrit. ἀντίπαρον, inquit Polybius, κατέστησε τοῖς πολεμοῖσι τὸν στόλον. id est. Lutatius classem aduersis prorsus hostibus opposuit. Vides ut Lutatius occurrat Annoni, non Anno Lutatio? Nam Lutatius ut Polybius narrat, ad Egusam insulam nauigauit, ut Annonem eius rei ignarum inuaderet.

Ad An. D x i i. pag. 55.

Pœni Sicilia, & omnibus insulis, quæ inter Italiam, & Africā sunt, excedunto, duo millia, & ducenta talenta in annos xx. pendunto, in præsens mille. Polybius lib. vii. οἱ καὶ παραγενόμενοι τῶν μὲν ὅλων οὐδὲν ἔτι μετέθηκαν, βραχεὰ δὲ προσέπειτ' αὖτις τοὺς καρχηδονίους. τότε γὰρ χρόνον τῶν φόρων ἐποίησαν ἢ μείον χίλια τε τάλαντα προσθέντες τῶν τε νησῶν ἐκχαρεῖν καρχηδονίους προσέπει-
ταξαν ὅσε μεταξὺ τῆς ἰταλίας κείνται καὶ τῆς σικελίας. id est. Atque legati ubi in Siciliam venerunt nihil de summa rei immutarunt, sed tempus pendendi argenti coarctarunt, ac insuper mille talenta addiderunt: atque Carthaginenses omnibus insulis excedere, quæ sunt inter Italiam & Siciliam. & lib. iii. ἐκχαρεῖν καρχηδονίους καὶ τῶν νησῶν ἀπασῶν τῶν κειμένων ἰταλίας μεταξὺ, καὶ σικελίας. ἐξενεγκεῖν καρχηδονίους ἐν ἔτισι δέκα δισχιλία καὶ διακοσία τάλαντα παρυτῖνα δοῦναι χίλια. id est excedere Pœnos Sicilia, atque omnibus insulis iacentibus inter Italiam, atque Siciliam. duo millia & ducenta talenta in annos decem pēdere, in præsentia mille. Duo hic sunt tua errata, nec parua. vnum, cum dicis quæ sunt inter Italiam & Africam: alterum, cum ais, in annos xx. scribendum enim fuit inter Italiam, & Siciliam, & in annos decem. sed videamus Eutropium, & alios, quos testes affers, an idem quod tu dicant. Eutropius lib. ii. Carthaginenses sanē sub hac conditione cum Romanis pacem fecerunt, ut eis per continuos viginti annos perfoluerent argenti puri tria millia talentorum. Orosius lib. 4. cap ix. pro impensis bellicis puri argenti tria millia talentorum Euboicorum æquis pensionibus per annos xx. penderent. Tibi cum Orosio, & Eutropio conuenit in numero annorum, non conuenit

in numero talentorum. In conditionibus à Lutatio prolati erant talenta duo millia, & ducenta, & anni xx. sed decem legati mille talenta addiderunt, & decem annos detraxerunt.

Ad an. Dxxviii. pag. 56.

Itaque Orosius etiam ita scripsit, T. Manlio Torquato C. Atilio Bulbo consulibus Sardinia rebellavit, auctoribus Pœnis. mox subacta est. Sed eis pacem supplicantibus, tandem concessa est, & Velleius ita. Sardinia inter primum, & secundum bellum Punicum ductu T. Manlij Consulis certum accepit Imperium. Meus Orosius lib. iiii. cap. xii. hæc habet T. Manlio Torquato, C. Atilio Bulbo Sardinia rebellavit auctoribus Pœnis, unde mox Sardi subacti, & oppressi sunt. Carthaginensibus autem violatoribus pacis, quam ipsi poposcissent inferri bellum decretum est. contra Carthaginenses suppliciter pacem poposcerunt: & cum bis missis legatis, nihil profecissent, post etiam decem principibus bis æque supplicantibus nec impetrarent, novissime Annonis minimi inter legatos oratione meruerunt. Sic nos illudis Sigoni? pacem supplicantibus, barbarum. Velleius, certum imperii iugum: tu certum imperium, num tantam vim habet?

Ad an. Dxx. pag. 56.

Maximi cognomen Fabius ab avo accepit, non ipse primus invenit. Plutarchus in Fabio tradit, à quodam Fabio Rutiliano viro amplissimo, atque splendidissimo, & ob id Maximo à Romanis appellato, quartum in ordine fuisse hunc Q. Fabium Maximum, quæ si vera sunt, non potuit, id cognominis ab avo accepisse.

Ibidem pag. 56.

Notat idem Plutarchus, Q. Fabium non solum in primo consulatu de Liguribus triumphasse, sed ex nulla ipsum unquam pugna nisi ex ea, ex qua triumphavit, victorem excessisse. Plutarchus, πέντε δὲ ὑπατειῶν, ἃς ὑπάρτευσεν, ὑπὸ τῶν ἀπὸ Λιβύων θείαμβρον ἔχον ὑπὸ τῶν γὰρ ὑπ' αὐτῷ μάχῃ, καὶ πολλοὺς ἀποβαλλόντες εἰς τὰς ἄλπεις ἀνιστάμενοι, καὶ τὴν πρόσοικον ἐπαύσατο τῆς ἰταλίας ληϊζόμενοι, καὶ κακῶς ποιοῦντες. id est quinquies consul fuit, & in primo consulatu de Liguribus triumphavit. nam prælio superati amissis multis ex suis in alpes se receperunt, atque Italix fines depopulari, atque incommodis afficere desierunt. Ego non puto ex his verbis id quod tu ais, elici posse, quod ex nulla pugna victor excesserit Fabius. Plutarchus eam posuit pugnam, qua est debellatum.

Ve

Ad an. Dxxv. pag. 57.

Vt dum superbè Regina agenti superbius multo legatus alter Romanus respondisset. Polybius lib. ii. ὁ δὲ νεώτερος τῶν πρεσβυτέρων δυσχεράνας ἐπὶ τοῖς εἰρημείοις ἐχρησάτο παρηγορία καθηκούσῃ μὲν οὐδὲν μὲν δὲ πρὸς καιρὸν. Alter legatorum iunior indignatus oratione Reginae, magnanimum ille quidem, seque dignum dedit responsum, sed ad tempus nullo modo accommodatum. Vides quam sine causa, *superbius multo*, addideris? quamque multa omiseris necessaria?

Ibidem.

Apoloniam in potestatem redegerunt. Polybius τούτων ἀποδείξαμένων. his in fidem acceptis. hoc est Apolonia in fidem accepta.

Ibidem.

Quo metu perculsi Dyrrhachini, atque alij populi, se Romanis tradiderunt. Hoc penè totum est falsum. quid enim Dyrrhachini timerent à Romanis, qui eò venerant, vt ipsos obsidione liberarent? quo facto eos Romani in amicitiam receperunt, auctore Polybio, qui etiam tradit consules permulta oppida vici cepisse; tantum abest, vt alij populi se illis tradiderint.

Ad an. Dxxxiii. pag. 60.

Demetrius consulis aduentu cognito Dimalum praesidio, & comeatu munit. ex reliquis Illiricis oppidis amicis Romanorum exatilis, ac suis impositis cum sex millibus veteranorum Pharus contendit. Neque vera dicis, neque Polybium intellexisti. hæc enim tradit lib. iii. κατὰ δὲ τοῦς αὐτοὺς καιροὺς Δημήτριος ἄμα τῷ συνιέναι τὸν ἐπιβολὴν τῶν ῥωμαίων παραυτίκα μὲν εἰς τὴν Δίμαλον ἀξιοχρεῶ φρουρὰν ἐπέπεμψε, καὶ τὰς ἀρμοζούσας ταύτῃ χορηγίας ἐκ δὲ τῶν πόλεων λοιπῶν τοὺς μὲν ἀντιπολιτευομένους ἐπανεῖλετο τοῖς δ' αὐτοῦ φίλους ἐνεχείρισε τὰς δυναστείας. id est. Hoc vero tempore Demetrius audito apparatu, atque conatu Romanorum statim quidem in oppidū Dimalum firmum praesidium immisit, & eomneatum ibi idoneum: sed ex reliquis oppidis homines diuersæ factionis eiecit, suisque amicis eorum administrationem dedit. Hæc sunt tua errata, quòd ante Demetrius hæc fecit, quam Aemilius consul in Illyrium traieciisset. tu vero post fuisse facta scribis. quòd ἐπιβολὴν. aduentum interpretatus fuisti imperite. quòd ἀντιπολιτευομένους amicos Romanorum reddidisti, contra verbi vim atq; naturam. cum praesertim multi esse possent non amici Romanis, quos suspectos Demetrius haberet.

Ibidem.

Pharo opido capto. Polybius lib. iii. *Φάρον κατέσκαψεν* Pharon funditus evertit.

Ad An. DXXXV. pag. 60.

Bellum à Romanis Annibali, nisi Sagunto abstineret, per legatos indictum. Hæc Polybius. Nullus est qui hoc prodat, nedum Polyb. qui Carthaginensibus indictum fuisse bellum tradit, non Annibali, post captum Saguntum. de legatis in Hispaniam missis ante excidium Sagunti hæc Polybius lib. iii. *ῥωμαῖοι δὲ πλειονάκις αὐτῶν παρακικυότες τότε πρεσβυτάς ἐξ ἀπέστειλαν τοὺς ἐπισεφομένους ὑπὲρ τῶν προσηπιτούντων*. id est Romani post multos Saguntinorum nuncios tum legatos in Hispaniam miserunt, ad ea speculanda quæ ibi ab Annibale gesta fuerunt. en coryphæus historicorum.

Ad An. DXXXVII. pag. 62

Casilinum, postremò Annibal, absente dictatore, recepit. Nemo ex tuis verbis perciperet unquam, Annibalem accepisse Casilinum in deditiōem iis conditionibus, quas persequitur Linius lib. xxii.

Ad An. D XL I. pag. 63.

Cum Senatus Campanorum deligatus esset ad palos. Linius lib. xxvi. cum producti Campani deligarentur ad palum. Linius Campani; tu *Senatus Campanorum*; ille ad palum, tu *ad palos*: Linius deligarentur; tu *deligatus esset*. ò arrogantiam singularem, nonne hoc est auctores bonos in ordinem redigere?

Ibidem.

Cum Senatus Campanorum deligatus esset ad palos, ut securi feriretur, literas à Senatu missas, Q. Fulvius, quibus iubebatur parcere, antequam legeret, in sinu posuit, & legi agi iussit, & supplicium peregit. Linius libro xxvi. Fulvius cum in tribunali consedisset, productique Campani deligarentur ad palum, eques citus ab Roma venit; literasque à C. Calpurnio prætore Fulvio cum tradidisset, murmur à tribunali totam concionem peruasit, deferri rem integram ad patres de Campanis; & Fulvius id ita esse ratus acceptas literas neque resolutas cum in gremio reposuisset, præconi imperavit, ut lectorem lege agere iuberet. immortalis Deus quænam est hæc tua impudentia. natus es mehercule ad optimorum auctorum scripta pervertenda, & omnino labefactanda, Linius de ferri rem integram ad Senatum: tu *quibus iubebatur parcere*. Linius acceptas literas, neque resolutas cum in gremio reposuisset:

tu

eu, in sinu posuit. ille, Fulvius præconi imperavit, ut lictorem lege agere iuberet. tu, & lege agi iussit. Livijs, de iis quoque supplicij sumptum est. tu, & supplicium peragit. quasi ipse Fulvius lictoris officio perfunctus fuerit. num est hoc centonem vitare? Eodem etiã in loco, post multa de triumpho Marcelli à te prodita, sic ais: *Livius & Plutarchus*; cum omnia ex Livio sumpseris, nihil ex Plutarcho.

Ad An. D XLVII. pag. 65.

Scipioni consuli extra sortem Sicilia, & xxx. rostrata naues decreta. Nominatæ, inquit Livijs lib. xxxviii. provincie consulis sunt, Sicilia Scipioni extra sortem cõcedente collega. quia cura sacrorum Pontificem maximum in Italia retinebat. Cum legimus alicui decretam provinciam, id à Senatu factum intelligimus sine ulla sortitione. cum fuissent sortituri provincias consules, nisi cura sacrorum in Italia Crassum retinisset.

Ad An. D XLIX. pag. 65.

Legatis Romanis Mater Idea tradita est per Attalum Regem Asia, ac Romam deportata. Lapis erat, quem matrem deum incolæ vocabant. excepit eam P. Scipio Nasica vir optimus à Senatu iudicatus adolescens nondum quæstorius, quoniam ita responsum fuerat, ut nomen id ab optimo viro reciperetur, consecrareturque Ludi Megalenses ei dea primum instituti sunt, ut fierent pridie idus Aprilis. Quot in his paucis sint tua flagitia, quantaque arrogantia, ostendam, si potero. Primum dicimus, potuisse te eius explicandæ historię labore supersedere; vel cum tibi explicandam putaris, non debuisse tam obscurâ vti brevitate, verbisque mutatis, inverte re sententias. Deinde quærimus vndenam Dea Romam deportata fuerit, Livijs libro xxxix. Pessinunte scribit. Deinde, ubi eam P. Scipio accepit, an ipse Romam deportarit, quod ea perlata fuit, ubi collocata, quo die, quod fuerat illud responsum, à quo datum nihil enim horum nos docet. Doceat Livijs, quem tibi dilacerandum proposuisti. P. inquit, Cornelius cum omnibus matronis Ostiam obviam iræ Deæ iussus: isque eam de naui accipere, & in terram elatam tradere ferendam matronis; postquam navis ad hostium amnis Tiberini accessisset, sicut erat iussus, in salum naue euectus ab sacerdotibus deam accepit, attulitque in terram. Matronæ primores ciuitatis accipere, per manus, succedentes deinceps aliæ aliis omni effusa ciuitate, obviam thuribulis ante ianuam positis, qua præferebatur, atque accenso thure, precantibus, ut volens propitiaque

pitiaque urbem Romam iniret. in ædem victoriæ, quæ est in Pala-
tio pertulere deam pridie idus Aprilis, isque dies festus fuit. Popu-
lus frequens dona deæ in palatium tulit, lectisternium & ludi fuere
Megalesia appellata. de responso hæc etiam prodit. Legati Asiam
petentes protinus Delphos cum excendissent, oraculum adierunt,
responsumque esse ferunt. Cum Romam deam deuexissent, tum
curarent, ut eam, qui vir optimus Romæ esset, hospitio acciperet.
iam perpendamus reliqua. cum dicis *Ludos Megalenses ei deæ ins-
titutos fuisse, ut fierent pridie idus Aprilis*. bis peccas, semel quod
non dicis, tum fuisse factos; iterum cum Megalenses, pro Megale-
sia scripseris. quæ quantum à Megalensibus differant, ego te docebo
si fuerit opus, vel Cicero potius. *Liuius*, hospitio reciperet: tu reci-
peretur consecrareturque. Sine causa, & imperitè, quasi egeret, cum
esset dea, vlla consecratione.

*in redacta est in
divine deæ, qui
celebatur in Roma-
nis.*

Ibidem.

*Legati Locros missi, ut Scipionem si ea, quæ Locrenses facta que-
rerentur, iussu aut voluntate Scipionis facta comperissent, de pro-
vincia decedere iuberent, si Scipio in Africam traiecisset, inde re-
ducerent.* Non necessaria de more scribis, necessaria negligis. nam
de M. Pomponio prætore Siciliæ, cui potissimum à Senatu id ne-
gotii datum fuerat, nihil prorsus. nihil de duobus Tribunis plebis,
sine quorum sacrosancta potestate, Scipio, si prætori, & legatis pa-
rere nolisset, non poterat, ex Africa reduci, nihil de Aedili, à quo
eratprehendendus. si quis neget, legatos non habuisse ius reducendi
Scipionis, quid tu respondeas? in has difficultates incidis, dum ubi
non est opus es nimium brevis. Sic *Liuius* lib. xxxix. rem totam
explicat, ut lectores intelligant, quanta fides sit adhibenda tuis scri-
ptis. Sibi placere M. Pomponium prætorem, cui provincia Si-
cilia forte euenisset, triduo proximo in provinciam proficisci; con-
sules decem legatos, quos vis videretur, ex Senatu legere, quos cum
prætore mitterent, & duos Tribunos plebis, atque Aedilem, cum
eo consilio prætorem cognoscere. si ea, quæ Locrenses facta queran-
tur, iussu, aut voluntate Scipionis facta essent, ut eum de provin-
cia decedere iuberent: si P. Scipio iam in Africam traiecisset, Tri-
buni plebis, atque Aedilis cum duobus legatis, quos maximè Præ-
tor idoneos censuisset, in Africam proficerentur: Tribuni, atque
Aedilis qui reducerent Scipionem: legati, qui exercitui præessent
donec novus Imperator ad eum exercitum venisset. & paulò post
Tribuni

Tribuni plebis cum prætore, & decem legatis profecti, iisque Aedilis plebis datus est, quem, si aut in Sicilia prætoris dicto audiens non esset Scipio, aut in Africam traiecisset, prehendere Tribuni iuberent: ac iure sacrosanctæ potestatis reducerent.

Ibidem.

Pleminius Romam translatus in carcerem conditus est. Livi-
lib. xxxix. Pleminium, & ad duos & triginta homines damnarunt,
atque in catenis Romam miserunt. num est hoc vitare centonem
historiæ? imperitos docere? translatus Romam, non probo, cum
ferè ea transferantur, quæ per se ire non possunt.

Ibidem pag. 65.

Siphax accepta in matrimonium filia etc. Hæc omnia antea
facta fuere, auctore Livio, quam Scipio è Sicilia in Africam traiecisset
tu autem ut ordinem perturbes, sine quo historia consistere non po-
test, ut post facta, narras.

Ibidem pag. 66.

*Massanisa, ad Scipionem cum ducentis equitibus cum venisset
Annonem Pænorum ducem interclusum occidit.* Quis intelligat
ex his verbis Scipionem interfuisse, imò rem perfecisse? Livi-
lib. xxxix. Scipio, inquit: cum Romano equitatu secutus, tegentibus
tumulis, qui opportunè circum viæ flexus oppositi erant, occul-
tus processit. Massanisa ex composito nunc terrentis, nunc timen-
tis modo aut ipsis obequitabat portis, aut cedendo temerè elicie-
bat. Primum incautè se inuehentes Massanisa excipiebat. mox plu-
res simul conferti porta effusi æquauerant certamen. Postremò
iam omnis æquitatus prælio cum adesset: sustinere ultra nequiere
Non tamen effusa fuga Massanisa, sed cedendo sensim impetus eo-
rum excipiebat, donec ad tumulos tegentes Romanum equitatum
protraxit. inde exorti equites, & ipsi integri viribus, & recentibus
equis, Annoni, & Afris pugnando, ac sequendo fessis, se circum
fudere, & Massanisa flexis subito equis in pugnam rediit. Primum
fermè, qui primi agminis fuerant, ut quibus haud facillè receptus
fuit, cum ipso duce Annone interclusi atque interfecti sunt. Ergo
Scipio, & ipsius equitatus non solum prælio interfuisse, sed etiam
ante quam Massanisa in pugnam rediisset, se hostibus circum fudere
ut his potius, quam Massanise ea sit ascribenda victoria, & mors

Annonis.

Ibidem.

C

Scipio

Scipio aduentu Asdrubalis, & Syphacis, qui propè cum centum millibus armatorum, se obtulerant, ab obsidione Vtica depulsus hiberna communiuit. Non est depulsus Scipio ab Vtica obsidione, sed propter instantem hyemem inde abscessit. Scipio, inquit, Liuius. cum quadraginta ferme dies nequicquam omnia experiens obsedisset Vticam, abscedit inde irritò incepto. Iam enim hyems instabat. Ibidem.

Consul postero die Pænos fudit, fugauitque ac supra quattuor millia armatorum cecidit. Addam, quæ omisisti, vt nihil certi, nihil integri habeatur. paulò minus trecenti viii capti, equi quadraginta, & vndecim militaria signa.

Ibidem de Censoribus.

Censa cum his CCXV. millia hominum, condidit Lustrum C. Claudius Nero. Erant inter hos censores nobiles inimicitia. ex quibus mira in ipsa censura contentio exarsit. Censa sunt, inquit Liuius cclxv. millia hominum. sed vnde nam habuisti, vt essent tum nobiles illæ inimicitia inter Censores? num ex Liuiio? At citra, inquit, Nero M. Liuium & siue ex residua, & vetere similitudine, siue intempestua iactatione seueritatis inflatus &c. num ex epitoma? At sic habet. inter Censores M. Liuium, & C. Nerone nobiles discordia fuit. vnde igitur? ex tua innata arrogantia officina. At dices omnia peruerto, atque labefactio, vt centonem vitæ. video.

Ad an. DL. pag 66.

Seruilio Etruria, ac Liguria euenit. & Paulo infra de eodem C. Seruilius Consul nulla re memorabili in Etruria, & Gallia gesta Patrem C. Seruilium post xvi. annum ex seruitute recepit. In primo loco Etruria, & Liguria: in secundo Etruria, & Gallia: atque hoc facis, vt omnia certa detrahendis necessarius, incerta reddas. Prouincia Seruili erat Etruria, sed is iniussu senatus, in Galliam etiam transierat. Consul, inquit Liuius, C. Seruilius nulla memorabili re in prouincia Etruria, & Gallia (nam eò quoque processerat) gesta, patre C. Seruilio, & C. Lutatio patruo ex seruitute post xvi. annum receptis, qui ad vicum Tanetum à Boiis capti fuerant. hinc patre, hinc patruo latera circumdantibus; priuato magis quàm publico decore insignis Romam rediit. Hæc situ integra transcripisses, & scrupulum, & causam querendi ademisses. cur etiam de patruo Seruili reticuisisti? ne credo, centonem conficeres.

M. Ser-

Ad an. D L I. pag. 66.

M. Seruilius Etruriam sortitus. In ea prouincia C. Seruilio pro rogatum imperium. Hæc, nisi aliquid addas, esse eodem tempore nō possunt: vt in eadem prouincia iniussu Senatus, sit consul, & proconsul cum imperio. Prorogatum fuit imperium Seruilio sub conditione. quam tu tanquam non necessariam neglexisti. hæc fuit. Si consulem remorari ad urbem Senatui placuisset.

Ibidem pag. 66.

Annibal tentata cum Scipione pace, nec impetrata prælio extremo victus est. Hui tam paucis rem tantam? cur nō saltem numerum caesorum hostium, & captiuorum, & quædam alia cognitione dignissima es persecutus? vel librum saltem, vnde peti possent. indicati? sis multus in explicando quicquid tertio bello punico ad Carthaginem, quicquid ad Numantiam gestum fuit: in nugis, in citandis sepè vnius scriptoris tribus eadem de re, aut quatuor locis, vel tribus, aut quatuor scriptoribus ostentationis tantum causa. Infra etiam ad an. D L I I. in enumerandis pacis conditionibus per multas omisisti. sed quid dico infra? nullum est penè fœdus, cuius tu leges omnes explices.

Ad an. D L X I I I. pag. 69.

Senatus consultum in M. Acilij sententiam factum. cur factum? quod Antiochum, & Aetholos vicerat, auctore Lilio.

Ibidem.

Aetoli, diu iactati tandem vt ad conditiones pacis conuenirent effecerunt. Dic publicè profitentium coriphæe, qui conuenirent? ignoras? Lilius te doceat, quem vt corrumperes, ad, particulam addidisti. Diu, inquit, iactati Aetoli, tandem, vt conditiones pacis conuenirent, effecerunt.

Ididem.

Fuluius Ambraciensibus pacem petentibus dedit. Aetoli diu iactati, vt ad conditiones pacis conuenirent effecerunt. Ergo te auctore, duplex est data pax, altera Ambraciensibus, altera Aetolis. quod Lilius lib. xxxvii. his verbis factum negat. Ambracienses prius pacti, vt Aetolorum auxiliares sine fraude emitterent. & paulò infra. Hæc quanquam spe ipsorum aliquanto leuiora erant, petentibus Aetolis, vt ad concilium referrent: permixtum est. & paulò post. Eodem tandem legati Aetolorum venerunt: inde posteaquam pacem concilium Aetolorum, accepit, iussit proficisci Romam. & ite

rum. Diu iactati Aetoli (nempè in Senatu) tandem vt conditiones pacis conuenirent, effecerunt. fuerunt autem hæ. Puto iam satis ex his perspicuum esse, vnam tantum fuisse pacem. nam ea, quæ patet sunt Ambracienses cum Fulvio consule, primum delata sunt ad concilium Aetolorum, quæ cum concilium probasset, legati redierunt ad consulem ad Agros Amphiloichium: inde iussu sunt proficisci Romam ad Senatum, Senatus eas tulit leges pacis, quas Linius ibi diligentissimè explicat: & tu transcripsisti, sed non omnes.

Ibidem 70.

Cn. Manlius consul ad singula Gallorum oppida, Attalo rege ducente, arma circumtulit. Hæc omnia sunt tua somnia, quod ad nulla Gallorum oppida consul arma circumtulit. quod Attalus iuuenis ascitus fuerat, belli socius, non tantum dux itineris, vt hæc Lini verba ostendunt: Attalum igitur Manlius fratrem Eumenis accersit à Pergamo: hortatusque ad capeffendum secum bellum pollicentem suam, suorumque operam domum ad comparandum copias dimittit, paucos post dies profecto ab Epheso consili ad Magnesiam occurrit Attalus cum mille peditibus, equitibus c. c. Athæneo fratre iusso cum cæteris copiis subsequi. hæc Linius. At ego miror, te omnis antiquitatis peritissimum regem appellare hunc Attalum cum Eumenes frater eius rex esset; vt multis in locis Linius, & Strabo lib. xiii. testatur. Miror etiam te hic omisisse triumphum naualem L. Aemilii Regilli. de quo hæc apud Linium leguntur. Per eosdem dies L. Aemilio Regillo, qui classe præfectum Antiochi Regis deuicerat, extra urbem in æde Apollinis cum Senatus datus esset, auditis rebus gestis eius, quantis cum classibus hostium elinicasset, quot inde naues demersisset, aut cepisset, magno consensu patrum triumphus navalis est decretus. triumphauit kal. Februariis.

Ibidem pag. 70.

Pacis Antiocho data leges fuerunt. Hic tu permultas de more tuo illius pacis leges non commemoras. sed hoc feratur. illud vix ferri potest. quod verum fœdus istum cum Antiocho per C. Manlium, & decem legatos omisisti: & eas tantum pacis leges, quas Africanus illi tulerat, atulisti. quas etiam si Senatus comprobauit, misit tamen in Asiam decem legatos, qui vnà cum C. Manlio consule fœdus perficerent: quod à Scipione inchoatum fuerat. de qua re sic Linius lib. xxxviii. Ibi ex x. legatorum sententia fœdus in hæc verba

verba cum Antiocho conscriptum est. & infra eodem in lib. Ante
alios contra dixerunt L. Furius Purpureo, & L. Aemilius Paul-
lus, legatos se Cn. Manlio datos pacis cum Antiocho faciendæ, fæ-
derisque, & legum, quæ cum L. Scipione inchoatæ fuissent, perfici-
endarum.

Ibidem.

Cum Asianis ita pactum. Vide tu lector per tuam nobilitatē
has conditiones apud Lium lib. xxxviii. & cognosces, quā hīc
homo omnia conderit, perturbaverit, atque obscuraverit. ego
quoniam permulta sunt, ea omitto.

In Scholiis in lib. xxi. Livi. ἐν παρόδῳ.

*Hoc bellum cum mercenarijs militibus per quinquennium in Afrī-
ca Carthaginienses post primū bellum Punicum. auctor Polyb. lib. i.*
Per tres annos, & quatuor menses & eo in loco prodit Polybius.

Ad an. DLXVI. pag. 70.

Africanus citatus absens morbum excusavit. Et hoc falsum est.
nam, ut inquit Lilius, maior animus, & natura erat, quam, ut id
faceret. sed L. Scipio, qui ibi dicitur, venit, citarique Africanus ab-
sens est ceptus, morbum causæ esse, eum abesset excusavit. Hæc
Lilius lib. xxxviii.

Ibidem pag. 70.

*M. Fulvius Nobilior consul, qui aduersus Aetolos, ut dixi,
missus, prælijs frequentibus victos, & in Ambraciam oppidum
coactos in deditiōem accepit.* Ostende tu illa frequentia prælia.
ostende, qui Aetoli in Ambraciam coacti fuerunt. & concedam te
non esse mendacem.

Ibidem pag. 70.

*Cn. Manlius Vulso consul ad ordinandam Scipionis Asiatici
provinciam, & fædus cum Antiocho scribendum missus.* Somnia,
& hæc tua. Cum Lilius hac de re ne verbum quidem. immo Man-
lius cum in Asiam profectus est, nihil adhuc certi de victoria Scipio-
nis Romam fuerat allatum, ut Lilius lib. 37. tradit.

Ibidem 70.

*Manlius Pisidas, Gallo grecos, Tolistobogios, Tectosagas, &
Trocenos, qui Brenno duce in Asiam transierunt, in potestatem
adduxit.* Primum nego, eos, quibuscum bellum gessit Manlius
venisset in Italiam cum Brenno: Deinde Brennum in Asiam per-
uenisse.

Consules

Ad an. DLXVIII. pag. 70.

Consules in Ligures profecti sunt. Liuius lib. xxxix. Q. Marciū tantum profectum tradit. Sed cur nihil de rebus ab eo ibi prospere gestis? ita etiam infra ad an. DLXIII. de Ap. Claudio, & Sempronio Tuditano: *Vterque, ais, in Liguribus rem gessit; & quomodo? quasi res non gesserint memoratu dignas.*

Ad an. DLXVIII. pag. 72

C. autem Valerius Lavinus consul iam diu cupidus prouincia Ligures, & ipse sortitus est: quibus bellum faciebat, Q. Petilius collega eius. diuisis autem copiis cum ipsi bellum gerere communi animo in diuersas profecti regiones cepissent: Petilius in acie occisus est. C. Valerius audita morte collegæ accurrens creditur, atque rem præclare gessisse. Hæc Liuius. Primum videamus quot omiseris adeò necessaria, ut sine iis intelligi non possint ea, quæ ipse affers. Deinde quæ impudenter addideris; tum quàm accurate Liuium legeris. qui libro xli. eodem, inquit, paucis post diebus C. Valerius consul venit. Ibi diuisis copiis priusquam digrederentur, communiter ambo exercitus iustrauerunt. tum sortiti, quia non ab eadem vtrunque parte aggredi hostem placebat, regiones, quas peterent. profecti inde in diuersas regiones Petilius aduersus Balistæ, & Leti iugum; quod eos montes perpetuo dorso inter se iungit, castra habuit; duabus simul partibus subire in aduersos montes cepit. ea pars in qua ipse erat, impigrè succedebat: alterum hostes cum propulissent, rem inclinatam consul equo aduectus suos quidem a fuga reuocauit. ipse dum incautius ante signa obuersatur cecidit. C. Valerius audita. Hæc Liuius sine quibus, quis intelligat, consules sortitos fuisse regiones; quas peterent? quo in loco Petilius, & cum quibus Liguribus pugnauerit? illa addidisti. *Ligures & ipse sortitus est.* Item. *Morte collegæ accurrens creditur, atque rem prospere gessisse.* quæ non solum Liuii non sunt, sed ne esse quidem debuerunt. quid enim erat, cur illuc Valerius accurreret, cum milites Petiliani, sine duce, hostes deturbassent, montes cepissent. & victoriam consecuti fuissent? *Valerius, inquis, iam diu cupidus prouincia.* Hanc Liuius prouinciæ cupiditatem Petilio tribuit, his verbis. Q. Petilius eos. collegam qui extemplo magistratum occiperet, creauit C. Valerium. Is iam diu cupidus prouinciæ cum opportuniæ cupiditati eius literæ allatæ essent, Ligures rebellasse nonis sextilibus &c. Is refert Petili-
lum

lium . nam si Valerium Liuius inrelligere voluisset , potius , qui , vt
puto , quam , is , dixisset . Deinde Petilius literas ad C. Claudium
Proconsulem , ne absente se debellaretur , misit , vt ad se cum ex-
ercitu in Galliam veniret . Postremo Petilius prior in prouinciam
profectus est . quæ quidem omnia hominis ostendunt prouinciæ cu-
piditatem .

Ad an. DLxxx. pag. 73.

Vterque autem in consulatu Ligures sortitus est . Postumius
ne prouinciam quidem suam vidit . Non dicit Liuius lib. xlii. utrum
que consulem fuisse sortitum prouinciam . Sed Ligures , ait , utrique
decreti sunt . neque enim sortitione opus erat , cum in eandem pro-
uinciam mitterentur . Liuius causam ponit quamobrem Posthu-
mus prouinciam non viderit , quod scilicet in agris recognoscendis
æstatem consumpserit . tu tibi ponendam non putasti .

Ad an. DLxxxii. pag. 73.

P. Licinius equestri prælio à Rege Perseo victus est . Vtrinque om-
nibus copiis fuisse pugnatum , sed equites egregiam eo die nauasse
operam testatur Liuius lib. xlii.

Ibidem.

Lucretius prætor Aliartum vi cepit . Vrbs , ait Liuius , diruta
est à fundamentis .

Ibidem.

*Iterum Licinius cum Perseo congressus feliciore euentu equestri
pugna confligit .* Certarunt & pedites , & præsidium , quod erant
homines octingenti , & leuis armatura .

Ibidem.

*C. Cassius cum per Illyrium in Macedoniam alienam prouinciam
exercitum duxisset , à Senatu reuocatus est .* Liuius tres legatos Se-
natum misisse , qui Cassium ubicunque esset , persequerentur , ei-
que nuntiarent , ne bellum cum uila gente moueret , nisi cum qua Sena-
tus gerendum censuisset , apertissime narrat . de reuocatione nihil
prorsus

Ad an. DLxxxvi. pag. 74.

*Leges Macedonia dedit cum tanta cura : vt non hostibus victis
sed socijs benemeritis dare videretur .* Hæc reliquisti cognitione ma-
xime digna . & quas nec usus longo tempore , qui unus est legum
corrector experiendo auget .

Ibidem pag. 74.

Inde

Inde in Epirum cum traiecisset, opidorum, qua Perseum inue-
rant circa lxx. muros diruit. Putasti homo peritus regionum.
 Paulum ex Macedonia in Epirum nauigasse. quod est falsum. &
 Paulus, muros urbium, quæ ad Persea defecerant, dirui im-
 perant. tu, *qua inuerant, scripsisti.*

Ibidem.

Paulus ipse post paucos dies, quam Epiri vrbes diruerat. Paul-
 us, auctore Liuii lib. xlv. post paucos dies quam in Italiam venit, ad
 urbem ea naui est subuectus; non post dirutos urbium Epiri muros.
 Ergo temerè ea verba addidisti.

Ad an. D XCVIII. pag. 77.

Frontinus certè eam victoriam Scipioni tribuit lib. iij. cap. vi.
adque consilium Scipioni in eius vrbis expugnatione adscribit:
quod Appianus Figulo: cum ait: P. Cornelius Scipio intellecta dif-
ficultate expugnandi Delminium, quia omnium concursu defende-
batur aggredi alia oppida capit. Quis unquam ex his Frontini ver-
 bis intelligat Scipionem expugnasse Delminium? non ne dicit intel-
 lecta difficultate expugnandi Delminium, Scipionem aggredi alia
 oppida cepisse?

Ad an. D C. pag. 77.

Cum Segida Areuacum oppidum muros vrbis extruxisset. Appia-
 nus in Iberica. σιγῆδῃ πόλις ἐστὶ κελτικῶν τείχος ἐπεσοῦσα
 ποταμὸς αἰθίου κύκλῳ περιβάλλετο. ἡ δὲ σύγκλητος πυνόμενε τὸ
 τείχος ἀπηγόρευε τειχίσειν. id est Segeda vrbs Celtiberorum mu-
 ros vrbis reficiebat in circuitu quadraginta stadia patentes. id cum
 Senatus audisset, muros extruere interdixit. Male igitur dixi-
 sti, extruxisset. non dum enim muros absoluerant, cum Nobilior
 illuc est missus. & frustra prohibuisset Senatus, ne facerent, si iam
 absoluissent opus. ἀρουακτῶν. vertisti Areuacum. Areuaci Plinio
 sunt in citeriore Hispania: Segeda in vltiore.

Ibidem.

Itaque cum eadem causa ad bellum alios etiam populos accendisset.

Nugæ tux. nihil enim eiusmodi tradit Appianus.

Ad an. D C I I. pag. 78.

Appianus item multa oppida Celtiberum Marcellum in deditio-
nem redegisse; Et hoc falsum. nam Appianus Ocikem tantum vr-
bem expugnasse scribit.

Ibidem.

Appianus scribit Marcellum circumfessa Numantia rem ante Luculli aduentum composuisse. Si circumfideo, est circundo, obsideo, vel obsidione cingo, imperitè conuertisti hæc Appiani verba. Μάρκελλος δὲ ἐπὶ νομαντίαν ἐχώρει καὶ πέντε στοδίους ἀπὸ-σχῶν παρεστρατοπέδευεν. Marcellus autem contra Numantiam profectus quinque stadia procul ab vrbe castra posuit.

Ibidem.

Appianus item scribit, P. Scipionem ultro se ad militare munus suscipiendum quodcunque delatum esset obtulisse. Hoc tam est falsum, quam quod falsissimum. Sed quatuor versibus supra scribis P. Cornelius Aemilianus proceffit, & excepturus se militia genus, quodcunque imperatum esset, professus est. & paulò infra. ibi P. Scipio Aemilianus L. Pauli filius Africani nepos, sed adoptiuus, & ad an. D C V I. hic Scipio Paulli Aemilij filius adoptatus a P. Cornelio Scipione Africani filio: vnde ipse Africanus Minor, & Aemilianus appellatus est. Quis te ferat?

Ad an. D C V. pag. 80.

L. Piso cum ad singulas vrbes arma circumtulisset, frustra consumpta æstate, Vticam in Hiberna concessit. Non vera dicis. vr- bem enim cepisse, & diripuisse tradit his verbis Appianus. ὁ πύων πόλιν ἐτέραν δ' ἐγγύς εἶλεν, καὶ διήρπασεν, sed aliam vrbem Clu- peæ proximam cepit, atque diripuit. sed dic tu quid est factum de L. Marcio clas- sis præfecto?

Ad an. D C I I I I. pag. 79.

Inter Catonem & Nasicam varijs certatum est sententijs. Hæc ex epit. xlix. vbi ita scriptum est. inter M. Porcium Catonem, & Scipionem Nasicam diuersis certatum est sententijs. Tu, qui te deum literatorum facis, sic bonos auctores corrumpere audes? Ca- to dicebat delendam esse Carthaginem, Nastica negabat. sententiæ erant diuersæ hoc est. contrariæ, tu ne in centonem incideres, dixi- sti varius de duabus sententijs contrarius.

Ibidem.

Carthaginensibus euocatis primum arma tradere, classemque comburere. Cur reliquisti. ccc. obsides nobilissimos pueros, quos tum Carthaginenses dederunt? cur omnia instrumenta belli?

Ibidem.

Manilius pedestribus copijs præfectus est. Ergo te auctore nulli erant equites. Appianus ad quatuor millia equitum fortissimorum fuisse prodit.

D

Per

Ibidem.

Peragrè id Scipio patiebatur. Peræg' e nusquam leges amplificator optimè.

Ibidem.

Cum autem promotis copijs, ad ipsa Asdrubalis castra per tria ferè stadia peruenissent. Apianus ὥς δ' ἂν πὸ σταδίων τριῶν ἐγείνοντο τοῦ Ἀστρούβου, cum iam tribus stadiis ab Asdrubale abessent. Tu addidisti, promotis castris, & ferè: vt Appianum corrigeres. & sine exemplo dixisti, peruenissent ad castra per tria stadia.

Ibidem. pag. 79.

De receptu suorum cogitans, se anxio esse animo dixit, ea però res sollicitum Scipionem habebat: quod alio tempore, atque alio ordine in Asdrubalem mouendum esse censebat. App. ἐνέκειτο δὲ τότε, καὶ μηχανῆς ἄλλης ἐπὶ τὸν Ἀστρούβον διομένου. id est, tum vero institit, atque consuluit, vt retrocederent tanquam alio tempore, & aliis artibus contra Asdrubalem esset opus. vides nē, quam luxuries? quaque absis ab Appiano?

Ibidem.

Romanos sibi occasionem ad eos adoriendos. vel maximam daturos, ad eos, imperitè pro ad se.

Ibidem.

Quod se equitum numero inferiorem esse non ignorabat. App. πολὺ πλείονας ὄντας. id est, quòd longè plures essent. num equitum facit mentionem? quasi Asdrubal equitibus tantum oppugnet Romanos.

Ibidem.

Suos se à maximis periculis obsidionis eripuisse. quis hoc tibi dixit? quot nam erant illa pericula? quis, Asdrubalem diligentissimè sepehisse Romanos? hæc etiam infra scribis. vt incredibile videretur virtutem cuiusquam aut maioribus, aut grauioribus laudibus celebrari. Hæc est tua amplificatio contra leges historie. nec ego dixissem grauioribus laudibus, quòd nusquam legi graues laudes. nec, affici grauioribus præconijs, vt infra.

Ibidem. 81.

Quos deinde secuti ceteri magno periculo euaserunt, eo prælio ad noctem vt dixi dirempto. Attende quid prodat Appianus. τότε γὰρ ὁ στόλος ἅπας τὸν νοῦν σιδετῶν ὁρῶντες τε, καὶ μιμούμενοι πολλὰ τοὺς ἐχθροὺς ἐβλάπτον καὶ τὸ ἔργον ἐς νύκτα ἐτελεύτα.

Tunc

Tunc enim reliqui omnes astutiam Sidororum videntes . eamque imitantes , multos hostes incommodis affecerunt , & in noctem certamen perduxerunt . Num Appiani sententiam exprefisti ? quodnam fuit illud magnum periculum , quo euaserunt ? prælio ad nocte dirempto , si ne auctore dixisti .

Ibidem 83 .

Scipio in spem maximam Carthaginis potiunda adductus portum ipsum Cothonis aggredi statuit , putabat enim eo propugnaculo superato , præsidioque deiecto reliquas se urbis partes in suam potestatem esse nullo ferme negotio redaturum . Hæc omnia tua sunt , & sine iudicio addita portum enim appellas propugnaculum , & præsidium , quo deiecto esset Scipio reliquas ciuitatis partes in suam potestatem redaturus , cum id nemo dicat , nec verisimile sit in ea re tum constitisse Carthaginis facilem expugnationem .

Ibidem . 83 .

Reliquus in urbem exercitus accersitus est . Falsum est hoc .

Ibidem .

Interea , qui in arce erant urbis direptione , ac deorum ira percussi cum se in extremum casum adductos , nullamque spem salutis sibi reliquam esse viderent . Verisimilia hæc quidem sunt , sed tua omnia ; vt etiam hæc . Sequæ ad eius pedes abiicientes , fidem , ac misericordiam eius implorare ceperunt .

Ad an. D C V I I I . pag. 83 .

Viriathus milites dispersos abire iussit admonitos quem in locum vellet conuenire . atque ita copias Romanorum et loci iniquitatem sparso exercitu , deinde relecto euasit . Appianus in Iberico , οὐρανὸς πάντας ἐκταξας ἐς μετώπων ὡς ἐπὶ μάχῃ τοὺς μὲν ἄλλους ἐκέλευεν ὅταν αὐτὸς ἐπιβῇ τοῦ ἵππου διακρινέντας ἐς μέρη πολλὰ φεύγειν ὡς δύνανται κατ' ἄλλα , καὶ ἄλλος ὁδοῦς ἐς τριβόλαν πόλιν εἶδα αὐτὸν περιμεῖν . Viriathus , omnibus in fronte instructis , tanquā pugnaturus , reliquis imperauit , vt cū ipse in equū ascendisset , diuisi in multas partes per alias , atque alias vias vt possent Tribolam urbem fugerent , ibique se expectarent . Appianus locum posuit , quo fugerent : tu neglexisti ; & pro eo addidisti , loci iniquitatem , & ingeniosè . hæc enim gesta sunt in planitie . item , sparso exercitu , & relecto . & imperitè . nam cum collegit (si tamen collegit) iam euaserant ; sed non collegit . ipse milites Tribolam ante ipsum conuenerunt , dicis atque ita euasit . quo modo ? respon-

D 2

des

des, sparso & recollecto exercitu falleris; nam frustra iussisset eos dispersos abire, nisi ipse Vetilium summa arte, atque virtute duos dies, ut infra audies detinuisse *recollecto* autem qui dicere potuisti cum antea eos non collegisset?

Ibidem. 84.

Petilius hostes palantes, ac tramitum peritos properè insecutus tantum absuit, ut assequeretur, ut dum incautus, se in eos infert, in insidias precipitauerit. Etenim Viriathus cedere se Romanis equitibus simulans usque ad locum voraginosum, & praetium eos perduxit; & cum ipse per solitos, ac notos sibi tramites euaderet, Romanos ignaros locorum immerfosque limo à tergo, ijs qui in insidijs erant, adorientibus cecidit. Bone detis, quæ somnia mihi narras? penè plura sunt errata, quam verba. Audi Appianum. Mille solis delectis equitibus, ut secum remanerent, imperavit; atque his ita rebus gestis, illi quidem ubi Viriathus equum ascendit, fugerunt. Vetilius autem veritus eos persequi in tot partes dispersos in Viriathum cunctantem, & rei euentum expectantem conuersus pugnam commisit. Sed ille equis velocissimis Vetilium fatigans modò subter fugiendo modò rursus instando, atque inuadendo totum illum diem in ipsa planitie, & totum insequentem circumcurrens consumpsit. ut verò coniectura est assecutus; eos, qui fugerant, in tutum locum peruenisse, tum non citato cursu per vias inuias equis velocissimis Tribolam confugit, Romanus ipsum persequi non valentibus partim armorum pondere, partim viarum ignoratione, & propter diuersam equorum naturam. Quam sint hæc à tuis diuersa, legenti facile patet. Malè scripsisti, *hostes palantes*. Milites enim palantes ii dicuntur, qui per campos huc, atque illuc vagantur, atque feruntur; non qui fugiunt ad vnum certum, destinantumque locum; ut milites Viriathi Tribolam. Temere etiam *propere insecutus*, dixisti, cum triduo post, id factum prodatur Appianus. Item imperite illud addidisti. *Vetilius tantum absuit, ut assequeretur & c.* nam illud dicendi genus apud bonos auctores habet vim negandi: tu affirmatiue eo usus es; cum dicas Vetilium se in hostes intulisse, & in insidias precipitasse. præterea de insidijs Ap. οὐ τιλίος μὲν δὴ αὐτὸν Διῶκων ἦλθεν ἐπὶ τὴν τριβόλαν, ὃ δὲ οὐράτος ἐν λόχωις ὑπερέλθοντος τοῦ οὐ τιλίους, αὐτὸς περὶ στροφῆς το καὶ οἱ ἐκ τῆς ἐνέδρας ἀνέπιδαν. καὶ ῥωμαίου ἐκτεροθεν ἐκτεῖνα καὶ ἐλῶγγον. καὶ τὰς φάραγγας ἐώτθον. Vetilius igitur Viriathum

rum

thum sequens Tribolan peruenit. Viriathus autem ubi Vetilium inter densas arbores progressum vidit, & ipse conuersus est, & alii ex insidiis exilierunt, Atque Romani vndique interficiebantur. *Tua sunt hæc. cadere se Romanis equitibus simul.* à quo accepisti quòd essent equites, & non pedites? vel certè vtrique? non est in Appiano, *locus voraginosus, non limus*, quo dicis Romanos fuisse immersos; *non saltus, non noti transitus Viriatho*, per quos euasit. non denique *Romani locorum ignari*, & tamen dicis. *hec Appianus*. num tibi est adhibenda fides, qui tot mendaciis & somniis impleueris veterum monumenta?

Ibidem pag. 84.

Sex millia Romanorū cū quæstor eius, ac quinque præterea millia quæ Belli, Tithique socij miserant assumpsisset, cum Viriatho congregatus omnes amisit Appianus. τοὺς μὲν ἐς τὴν κατὰ πύλινον διαφυγόντας ὁ ταχίας σιη'τασσαν ἐπὶ τειχῶν δεδιώτας. παρὰ δὲ βελλῶν, καὶ τεῖτθων αὐτῆσας πεντακισχιλίους συμμαχούς· καὶ λαβὼν προὔπεμψεν ἐπὶ δούρεσθον, ὃ δὲ πάντας ἐκτείνεν ὥς μὴδ' ἄγγελον διαφύγειν. Quæstor eos, qui Carpestum effugerant metu perterritos ordine in muris collocauit: quinque vero millia sociorum, quæ à Belli Tithiisque perierat, & acceperat, contra Viriathum præmisit, quos omnes ad unum occidit, ut nemo tantæ cladis nuncius effugerit. Ergo Quæstor non assumpsit sex illa Romanorum millia. non cum iis congressus est cum Viriatho: non pugnæ interfuit, sed Carpesti remansit: & quinque tantum illa sociorum millia contra Viriathum misit. Ibidem.

Cum autem Plautium Roma cum exercitu contra se missum simulata fuga, ac conuerso inde agmine insequentem cum magna eorum clade primum fudit. Appianus tradit; venisse Plautium cum decem milibus peditum, & mille trecentis equitibus, & ex his ad quatuor millia contra Viriathum misisse, & ab eo fusos fuisse. quæ tu neglexisti optimus antiquitatis illustrator: ut intelligeremus credo, Viriathum fuisse totum exercitum Plautii.

Ad an. DCLIII.

Quo factum est, ut M. Marcellum fulgentem iam Sicilia domita, & Valerium Leuinum, qui egregiè terra, marique gesserat absentes consules dicerent. Valerius tantum erat absens, non Marcellus. Liu. lib. xxvi. Iuniores suffragium inierunt, M. Marcellum fulgentem cum Sicilia domita, & M. Valerium absentem dixerunt.

Q. Fabius

Ad an. CDXIII.

Q. Fabius Viriathum secundus fregit, duobusque ei oppidis ademptis &c. καὶ πόλεις, ait App. αὐτοῦ δὲ τὴν μὲν διήρπασεν, τὴν δὲ ἐνέπρησεν. ex duabus ipsius urbibus alteram diripuit, alteram incendit. en optimus græcorum interpres.

Ad an. DCX. pag. 84.

Ap. Claudius aduersus Salassos Gallos conuersus, & victus decem millia peditum amisit. Orosius lib. vi. cap. iiii. App. Claudius inquit, aduersus Salassos Gallos congressus, & victus quinque millia militum perdidit. Orosius, congressus: tu conuersus; Orosius quinque millia: tu decem millia; ille perdidit: tu amisit. en centonum inimicus.

Ad an. DXII. pag. 86.

Viriathum Fabius insecutus oppido inclusum circumvallare cepit. ex quo Viriathus eruptione facta exercitum Seruiliani fugauit, atque in locum asperum, ac præruptum vnde nulla exeundi facultas erat, compulit. Appianus longè aliter. Viriathum, inquit, Fabius insequens, illius urbem circum ualare cœpit. in quam Viriathus noctu ingressus prima luce in opus facientes eruptionem fecit, ut rutris proiectis fugerint. Atque aliam militum manum ab Aemilio missam Viriathus fudit; atque eam persecutus in loca aspera atque prærupta compulit, vnde Romanis effugiendi nulla facultas erat. Num sententiam Appiani expressisti? Si Fabius ante cœpit circumvallare Erisanem, quam Viriathus est ingressus, non cœpit circumvallare inclusum. Eruptione facta, inquis, sed quando, & in quem non scribis. exercitum, ais, Seruiliani fugauit; cum pars tantum fuerit, nulla facta mentione eorum, qui ab Aemiliano submissi fuerant.

Ibidem.

Viriathus pacem his conditionibus petijt. Appianus, οὐκ ἔβητο. id est; ut ego interpretor. Romanis pacis condiciones tulit neque est verisimile, ut qui longè superior tum esset, pacem peteret.

Ibidem pag. 87.

Tum Numantini cum Pompeium forte abesse castris animaduertissent, è colle subito digressi in equites Pompeianos impetum fecerunt. Pompeius re nunciata ad exercitum reuersus hostibus acriter instare, illi leuiter ad montes recedere dum Romanos ad locum impeditum, quem constituerant, attraxerunt. App. Pompeius ibat nescio quò equites ipsius cursu ipsum insequentes Numantini cum descendissent

scendissent, interfecerunt. Pompeius igitur reuersus aciem in planitie instruxit. & Numantini cum descendissent, paulatim pedem referebant tanquam fugientes, vsque ad columnas, & Baratrum. Iudicet lector, uter nostrum sit sententiam Appiani assecutus. ego iam ne illi molestus sim omitto, tua errata colligere.

Ad An. D C X I I I. pag. 87.

Tot igitur aduersis praelijs fractus Pompeius cum Roma, & Senatores aliquot, qui consilio, & nouus exercitus, qui manu eum inuaret, accessissent. Appianus. Ob quas clades tum Pompeio Roma preesto affuerunt consilia: ii, & militibus veteranis successores tyrones, & inexercitati, atque bellorum imperiti.

Ibidem.

Pompeius obsidibus, & transfugis, & xv. auri talentis, hæc enim imperauerat, excitis, successorem, dum accederet expectauit. Nihil ferè in hoc tuo commentario affers, in quo non appareant tuæ modestiæ singularis, & summæ græcarum literarum petitiæ impressa vestigia; id quod ex Appiano cognoscas. Cum Numantini inquit rem ita transegissent, seque illi dedissent, obsides Pompeius petiit, captiuos, & transfugas; & omnes accepit.

Atque etiam petiit argenti triginta talenta, quorum partem statim dederunt. Numantini, Pompeius reliqua expectabat. Tu captiuos ubi reliquisti? Appianus scribit, argenti talenta, tu auri, ille, imperasse Pompeium xxx. talenta, tu, qui, credo, tum aderas, quindecim. Appianus Pompeium expectasse reliqua talenta: tu successorem. Denique Appianus πέντε ἄλλα: Tu excitis obsidibus, transfugis, & xv. auri talentis. Ego tantum abest, ut probem dici posse, excire obsides transfugas, talenta, ut genus dicendi prorsus barbarum putem. Sed tu cum hæc scribebas, vel ludebas, vel centones vitare cogitabas.

Ibidem.

Hæc pluribus verbis Appianus. Tu contra hæc tua intempestiua breuitate, adeò Appiani planissimam historiam obscurasti, ut quid gestum sit nullo modo ex te intelligi possit.

Ad an. D C X V I I. pag. 88.

Appianus Mancinum rumore, qui Cantabros, & vaccaos Numantinorum auxilio venisse percrebuerat, perculsum exercitum trepidum, in castra, quæ quondam Fuluius Nobilior fecerat, reduxisse auctor est. & hic te eundem esse hæc Appiani verba demon-

strant

stant. λόγου δὲ Λευδοῦς ἐμπειρότος, ὅτι νομαντίνοις ἐρχο-
ται βοηθοῦντες καὶ ταβροῖτε καὶ οὐακαὶ οἱ Δείσας ἄπυρος τὴν νύκτα
διωγαγεν ὅλην ἐν σκότῳ φεύγων ἐς ἔρημον τὸ Ναβελίωνόν ποτε ἡώρα
κωμα. id est cum autem falsus emanasset rumor, quod Cantabri,
& Vaccae Numantinis auxilio venirent, timore Mancinus affectus
totam noctem in tenebris sine igne traduxit fugiens intra vallum
desertum quondam Fulvii Nobilioris. omisisti Λευδοῦς. ἐρχονται,
malè vertisti, venisse. nondum eum venerant, sed venturi fere-
bantur. omisisti etiam ἄπυρον τὴν νύκτα διωγαγεν ὅλην ἐν σκότῳ.
Dixisti linguæ Latinæ peritissimus Numantinorum auxilio. pro
Numantinis. Timorem quem Appianus Mancino tribuit, tu in
exercitum contulisti. & φεύγων, reduxisse, reddidisti. & imperitè
nam in verbo reducere nulla est fuga, & reducere eò significat unde
quis discesserat, iterum ducere. & hæc sunt tua miracula.

Ad an. DCXXIIII.

Cum Tuditanus consul vereretur ne iudex constitueretur litis, qua
plebi cum patribus de agrorum divisione erat, in Illyricum provin-
ciam profectus est. Appianus lib. pri. bellorum civilium scribit, Tu-
ditanum antequam iret in Illyricum fuisse iudicem constitutum,
rem tentasse, quam cum per difficilem intellixisset, in Illyricum
profectum fuisse.

Ad an. D LXXXIX. pag. 75.

Plutarchus in Paulo Sic. L. Aemilius Paullus CCCXXXVII. mi-
lia recensuit: ē senatu tres movit: in recensendis equitibus Roma-
nis ipse, & collega Marcus Philippus modum servavit. Huc inte-
gram de more tuo, interpretis Plutarchi versionem transtulisti: &
illius errata tua fecisti, cum ex ea versione sententiam Plutarchi nō
perceperis. ea enim est eiusmodi. Censore Paulo censa sunt homi-
num CCCXXXII. millia quadringenti quinquaginta duo. ē Senatu tres
movit non ex illustribus. & incensu equitum eadem modestia est
usus & ipse, & M. Philippus collega.

Ad annum DCXLII. pag. 99.

Legati honestioribus, quibus potuerunt conditionibus Hispanien-
ses tu multus composuerunt. Tuae coniecturae πρεσβυς δὲ ἀπεστε-
λον, ἰὸ τὸν πολέμον ἔμελλον, ὅπῃ δύναίτο καταβῆσθαι. id est lega-
tos miserunt, qui, ut possent, bellum sopirent, vel sedarent. In
Appiano nullæ sunt conditiones, nec legati composuerunt, sed
missi sunt ut componerent, quod non fecerunt. Hispanienses dixi-
sti, tumultus, pro Hispanos, homo Romanæ linguæ peritissimus.

T. Didius

*χθονία τινος
ἐν τῷ μὲν
Ἰσπανία σὺν
ἀπὸ φαντασίου
μαγῶν, ἢ
μαγισσῶν, ἢ
Ἰσπανίων, ἢ
Ἰνδιάνων.*

*magos, vel potius φαντασίου, ἢ μαγισσῶν, ἢ
μαγισσῶν, ἢ Ἰσπανίων, ἢ Ἰνδιάνων.*

Ad an. DCLXV. pag. 105.

T. Didius alios etiam populos in deditionem redactos ex x. legatorum sententia militibus trucidandos tradidit. Falsum est hoc totum. Nam Didius Colendam in deditionem accepit: colendanos viuiuersos cum coniugibus & liberis vendidit; Populum vnius vrbis Colendæ proximæ in castris, quo ipsum euocauerat specie diuidendi agri, militibus trucidandum, assentientibus legatis tradidit. Appianus in Iberico. vnus igitur fuit Populus & ad eam vsque diem amicus P. R.

Ad an. DCLIX. pag. 106.

Ariarathem enim Cappadociæ Regem cum Mithridates per Gordium cum paruo eius filio interfecisset. Iustinus lib. xxxviii. tradit Gordium interfecisse Ariarathem patrem Capadociæ Regem: Mithridatem verò necasse Ariarathem filium in colloquio spectantem utroque exercitu.

Ad an. DCLXVII. pag. 110.

Romanorum copiarum paucitas fecit, vt Archelaus ad Cheronæam oppidum acie confligere ausus sit. Plutarchus in Sylla. ὁ δὲν ἑκὼς ἀμεινὸν τὸν ἀρχέλαον οἱ λοιποὶ στρατηγοί, καὶ παρατάξαντες τὴν δύναμιν id est. cum reliqui duces ait, Archelaum inuitum confingere coegissent, atque copias instruisent. Appia. in Mitridatico, ἐνθὺς ἀπῆγεν ὧς καὶ ἀκοντὰ βιασόμενος εἰς μάχην statim suas eduxit copias, vt etiam Archelaum inuitum pugnare cogeret. Nun tibi pugnasse videtur adductus paucitate Romanorum?

Ibidem pag. 110.

Archelaus cum triduo nudus in Paludibus latuisset post in Chalcidem se recepit. App. in Mithr. ἀρχέλαος ἐν ἑλὶ τινὶ, ἐκρύφθη, καὶ σκάφος ἐπιτικὼν εἰς χαλκίδα διέπλευσε. id est. Archelaus in Palude se abdidit, naufusque nauticam Chalcidem nauigauit. Plutarchus in Sylla. κρυφθεὶς δύο ἡμέρας ἐν τοῖς ὀρχομενίων ἐλίσσι. id est. Archelaus biduum in Orchomeniorum paludibus cum latitasset. Vides vt nec in Plutarcho, nec in App. Sit neque nudus, neque triduo? est modus quo se in Chalcidem recepit, quem tu explicasti verbo recepit quasi idem sit cum διέπλευσε.

Ad an. DCLXVIII. pag. 110.

L. Flaccus consul in Asiam traiecit. Hoc anno a C. Fimbria legato suo corrupto exercitu interfectus est. hoc vt cætera egregie ostendit Velleius. Primum Velleius non dicit Fimbriam corrupisse exercitum Flacci: deinde Fimbriam præfectum equitum appellat,

E non

non legatum . sed reprehendis Appianum , qui Flaccum , cum est interfectus , consulem appellet , propterea quod Velleius consulem dicat ; videamus an possimus Appiani sententiam tueri testimoniis probatissimorum historicorum . Strabo lib. xiii. *ὁ Φιμβρία* inquit . *ἀνελών τὸν ὑπάτον ἐν Βιθυνίᾳ* . id est . Fimbria interfectit consulem Flaccum in Bithynia . Orosius lib. vi. cap. ii. Interea ait , Fimbria Flaccum consulem apud Nicomediam occidit . Liuius lib. xxxii. L. Valerius Flaccus consul à C. Fimbria legato ipse occisus est . Cum hi quatuor nobilissimi scriptores Flaccum consulem fuisse occisum , afferant non video ; cur his vnum Vellium præferas .

Ibidem .

Plutarchus autem scribit Sullam in Hellespontum venisse , cumque ibi concurrentibus regijs legatis , pax conuenire non potuisset . quod commodiores condiciones sibi à Fimbria ferri rex diceret . Primum negamus quicquam eiusmodi scribere Plutarchum . Deinde ridiculum est , quod dicis , pacem non potuisse conuenire ; quod rex dimisset , Fimbriam ferre meliores condiciones . nam causa fuit , quod rex nolebat cedere Paphlagonia , & tradere naues , auctore Plutarcho in Sylla .

Ad an. DCLXIX. pag. III.

Sullam sollicitato exercitu , Fimbriam pergami obsessum ad necem compulisse . Nullus est , qui tradat , exercitum Fimbriae fuisse à Sulla sollicitatum . nullus , qui scribat Sullam obsedisse Fimbriam Pergami : ne dum Plutarchus . & Appianus . quorum alter in castris alter Pergami in templo Aesculapii . quo è castris Fimbria iuerat , se interfecisse , ait . num es fide dignus ?

Ad an. DCLXXI. pag. II 2.

Cum Bosporani , ac Colchi à Rege Mithridate alienati filium eius sibi regem deposcerent , Mithridates autem occiso filio exercitum , classemque aduersus Bosporanos compararet . &c. Scribit Plutarchus , Colchos tantum petuisse sibi regem filium Mithridatis . eoque impetrato , reduisse sub imperium ipsius ; & ob eam causam non multo post filium ad se euocatum necasse . tibi satis fuit , occiso filio , nulla allata causa .

Ibidem .

Cum Mithridates aduersus Bosporanos classem , & magnum exercitum comparasset : Murena suspicatus ne rex in Bosporanos verbo , re autem aduersus Romanos se instrueret . exercitu statim per Capadociam ad oppidum maximum , nomine Comana , ducto , in quos-
dam

dam eius equites impetum fecit, atque legatis regijs fœdus Syllæ ostendentibus, reiectis, regione vastata, sacrisque pecunijs diripis in Cappadociam in Hyberna se recepit. Hæc Appianus. Tunc fortasse istas fabulas prodit, meus aut scribit, Archelam audito magno Mithridatis apparatu timore perterritum ad Murenæ bello- rum occasiones captantem triumphæ cupiditate fugisse, atque eum irritando ad arma mouenda impulsisse, Murenæ statim Comana oppidum Cappadociæ inuasisse, aliquot regis equites interfecisse, & legatis fœdera obicientibus dixisse, se nullum videre fœdus à Syllæ scriptum, hisque dictis, prædas egisse, sacras pecunias diripuisse, & in Cappadocia hybernasse. In Appiano ut vides, non est ista suspitio Murenæ, sed cupiditas triumphæ, & instigatio Archelai. fecit impetum, ais, in quosdam eius equites. App. ἔκτανε idest interfecit. App. πρὸς βεβαίαν αὐτοῦ τὰς οὐρανίας προτείνουσιν, οὐκ ἔφθον οὐρανίας ὁρᾷ. id est, legati ipsius fœdus obicientibus, respondit, se nullum videre fœdus. tu legatis ostendentibus fœdus. qui poterant, si, ut eo in loco App. testatur, nullum, scripserat Sulla? Denique homo regionum peritus, ais, in Cappadociam in hyberna se recepit. dic obsecro ex quo loco? ubi est oppidum Comana? in Cappadocia, auctore Strabone, ut alios mittam, lib. x. & xi. App. ἐν χειμαρρῷ ἐν καππαδοκίᾳ.

Ad an. DCLII. pag. 112.

Murena autem maiore conatu acie cum Rege congressus, ac castris, & exercitu exutus in Phrygiam se recepit. Neque apud Appian. neque apud Ciceronem leges Murenæ maiore conatu cum Rege pugnasse, & castris, & exercitu exutum fuisse. ostende tu alios, si habes.

Ad an. DCLXXV. pag. 113.

M. Lepidus legem de actis Syllæ rescindendis promulgauit. Ego vero nullam video, neque in Floro lib. viii. cap. xxiiii. neque in Appiano legem, sed conatum tantummodo.

Ad an. DCLXXVII. pag. 116.

Nicomedes autem Bithyniam Octauio, & Cotta, non ut ait Eutropius Lucullo, & Cotta reliquerat. Supra ad an. DCLXXVIII. Sententiam Eutropii probasti his verbis. Appianus sequenti anno, quo Nicomedes Bithyniam P. Romano reliquit Sertorium in suos proditiōis suspectos seuisse ait. Nam si anno insequenti ea facta sunt, certè is fuit DCLXXIX. Te etiam auctore, qui ad eum

E 2 ann. sic

an. sic scribis his consulibus Nicomedem Regem Bithyniæ mortuū P. R. heredem reliquisse, Bithyniam in prouinciæ formam redactam scriptum est apud Eutropium. præterea Mithridates irruptionem in Bithyniam fecit Lucullo, & Cotta consulibus. At Appiano auctore, id est factum post mortem Nicomedis.

Ibidem.

Mithridates Cottam persecutus terra fudit ac mari classe pulcherrima exiit. Fudit Mithridates non Cottam, sed Nudum classem præfectum. Cotta se se muris continente.

Ibidem.

Lucullus commeatus Mithridati interclusit, equorum sex millia, captiuorum xv. quos Mithridates rerum inopia coactus in hyberna, in Bithyniam remittebat, affecutus Mamercus duce partim cepit, partim cecidit. Hæc App. & Plutarchus. Ludis Sigoni. Pliutarchus in Lucullo Mithridatem inutiles pedites, & ferme omnem equitatum cum Sarcinis in Bithyniam misisse: atque Lucillum ex iis xv. hominum millia, & equorum sex cepisse multis etiam interfecit. Appianus adiecit, cepisse magnum iumentorum numerum. de Mamercis apud utrumque mirum silentium: neque Lucullus interclusit omni comeatu Mithridatem, sed eo tantum, qui terra afferebatur cum scribis *equitorum sex millia, captiuorum xv. partim cepit, partim cecidit*, es ridiculus, nam qui ceduntur, non capiuntur, captiui non ceduntur, sed conseruantur. ergo Lucullus alios in acie interfecit.

Ad an. DCLXXX. pag. LI 7.

175. *Lucullo Macedonia euenit.* Eutro. Anno, ait Eutrop. urbis conditæ DCLXXVIIII. Macedoniam prouinciam M. Licinius Lucullus accepit. euenire ad sortem pertinet, accipere dantem respicit.

Ad an. D LXXXI. pag. I 18.

Mithridate Cabiris, quo se receperat, hyemante, atque inde comeatum suppeditare. Cui suppeditabat? & quid aliud præter comeatum? Amisensibus, scribit Appianus, commeatum, & arma, & milites suppeditabat.

Ad an. DCLXXXV. pag. I 17.

Appianus ad Lemnum classem, cui Marius, Alexander, & Dionysius præerant a Lucullo depressam esse. Hac de re nihil profus Appianus.

Reges

Adan. DCLXXV. pag. 120.

Reges quamquam praelio victi bellum reparare missis cum ad alios finitimos, cum praesertim ad Arsacem Parthorum regem, legatis, quibus eos ad belli societatem inuitabant. Dio lib. xxxv. αυτοι ουν και προς τους περιχωρους, τους τε άλλους, και αρσάκη τον παρθον επρεσβευτο. id est reges igitur, & ad finitimos, & ad alios, & ad Arsacem Parthum legatos miserunt. omisisti άλλους, & praesertim addidisti; ut Arsacem finitimum Mithridati, & Tigrani faceres. tua etiam sunt illa, quibus eos ad societatem belli inuitabant. cur non potius miserunt ad auxilium petendum? id quod Dio tradit. & tu infra confirmare videris, cum dicis; *Arsaces tamen neutrum auxilio iuvit.*

Adan. DCLXXV. pag. 119.

Cum Arsaces a Regibus, & a Lucullo vocatus esset ad amicitiam. Dio Sic. ο λούκουλλος ανταπέστειλε τινας εκ των συμμαχων απι λαστε αμα αυτων αν εχειν ον επικουρησιν, και υποσχεσεις αυτα σφ' τερα αυτελλεται φεροντας id est. Lucullus quosdam ex sociis misit ad Arsacem, & mmas simul illi, si opem illis ferret, & promissa, si sua curaret, ferentes. non est igitur vocatus ad societatem, neutrum dixisti: cum supra scripseris a regibus, & a Lucullo: melius neutram partem, vel neutros.

Adan. DCLXXXVI. pag. 120.

Quo praedam omnem Romani contulerant. Dio. τα ουενν. id est Sarcinas, vel impedimenta. quid nam praedatus fuerat Triarius?

Ibidem.

Triarius, ut Dadasa obsideri audiuit, militum suorum pugnam poscentium vocibus victus, cum eo vel inuitus pergeret, in itinere a Mithridate cum omnibus pene copiis est deletus. maiorque accepta clades fuisset, ni rex a proditore quodam amico, simulato colloquio vulneratus fuisset. Dio. ως δε τα τε διαδασα πολιορκόμενα επύθετο, και οι στρατιωται λίσσαντες ποδ' αυτοις εταρτατο, και επη πείλουν. ει σφας μηδεις εξαγοι, και αυτοκελευτοι βοηθήσιν σφισι. id est, ubi vero Dadasa oppidum a Mithridate obsideri audiuit, & milites timentes eis, qui Dadasis erant, tumultuabantur, se illis sponte sua, si nullus alius educeret opem laturos. Ergo milites Triarii non poscebant pugnam, sed, ut auxilio ire possent eis, qui Dadasis obsidebantur. Sed videamus reliqua. inuitos iter ingressus est.

At

At Barbari iam in Triarium progredientem impetu facto, alios quidem in ipsa pugna circumuentos oppresserunt, alios verò fugientes per campos ignoratione transitus fluminis obequitantes necauerunt. Atque prorsus deleuissent, nisi quidam ex Romanis tanquam esse vnus ex satellitibus Mithridatis accessisset, & tanquam ei aliquid dicere vellet, ipsum vulnerasset. Dio. *ἐκτεινὸν πασσυδὶ*. id est prorsus deleuissent. tu maior fuisset accepta clades. Sed quæ maior cladis esse poterat si, vt tu dicis, omnibus penè copiis delitus fuerat? qui locus relinquebatur maiori cladi? Dio, quidam è Romanis: tu *proditore quodam amico*, nec puto eum potuisse proditorem dici. Dio *ὅς ἐιπείντι βουλόμενον* tanquã volens aliquid dicere: tu *simulato colloquio*. Cum dicatur colloquium de iis, qui sponte, & scientes congre-
diantur. non de vno tantum simulante aliquid Mithridati se dicere velle, vt eum necaret.

Ibidem pag. 120.

Præsente Acilio. Dio. *προφάσι τοῦ τὸν ἀκίλιον ἐγγυῶς εἶναι*. pretextu, quod Acilius esset propè.

Ad an. DCLXXXVII. pag. 121.

Pompeius vbi per legatos ad pacem petendam Mithridatem se adducere non posse sensit, magno apparatu in eum mouit. Longè aliter Dio ὁ πμπήιος βουλεύειν τῆς τοῦ μιθριδάτου διανοίας πειράσθαι πέμπει τὸν μητροφάνην φίλους αὐτῷ λόγους φέροντα, καὶ ὅς τότε μὲν ἐν ολιγωρίᾳ αὐτὸν ἐποίησατο. id est. Pompeius volens Mithridatis animum tentare Metrophanem ad eum mittit amicos alii atque benignos ferentem sermones. Atque tum quidem ipsum contempsit. ostende tu tuos legatos; & vnde extraxisti magnam illum Pompeii apparatum.

Ibidem.

Iam diu legatos expectari. Dio. *ἤδη παρῆναι*. iam adesse.

Ad an. DCLXXXVIII.

Albanos iterum occurrentes repulit. Ne vestigium quidem huius rei est in Dione. *πομπήιος*, inquit, τοῖς ἁλβανοῖς εἰρήνην ἔδωκε id est Pompeius Albanis pacem dedit.

Ad an. DCXCIII. pag. 25

Eos mandata facere recusantes acie fregit. Magis propriè iussa, vel imperata facere. Ibidem.

Incolas Herminij montis in Insula propè ad internicionem redegit. Non es assecutus sententiam Dionis. *ἀκοντὶ*, inquit, αὐτοὺς
καὶ καὶ ὥς

κακῶς ὑπὸ σιτ' αἰῶς ἐχάτας παριστήσατο. Eos sine labore
rei frumentarie inopia vehementer laborantes in deditiōnem acce-
pit. quam à tua est hæc versio diuersa?

Ibidem.

Postremò Brigantium Calæcia oppidum euerit. Dio. σφᾶς ἰσά-
φόνει, καὶ κατεστρεῖλατο. id est ipsos tetruit, atque in potesta-
tem suam redegit.

Ibidem.

Neque enim nisi præsens in vrbe petere consulatum lege pote-
rat: nec si urbem priuatus inisset, ei postea triumphare permissū
erat. Hæc Dio. Hæc in meo Dione nō sunt, ostende tu esse in tuo.

Ad an. D CC. pag. 129.

Itaque cum Carrhas peruenisset à præfectis regis Surena, & Sylla-
ce circumuentus omnem penè cum filio P. Crasso, qui ad eum ex
Italia è Casare venerat, exercitum amisit. Hæc omnia gesta sunt
antequam Carrhas peruenisset. Dione, Plu. archo, & Appiano
auctoribus.

Ibidem.

Crassus euocatus à Surena in colloquium tanquam de pace actus
ro captus, atque ne viuus in hostium potestatem perueniret, re-
pugnans occisus est. Nemo est eorum, quos tu affers, qui ista
tradat.

Ibidem.

Exercitus in Armeniam, & Ciliciam, quo quenque fuga rapuit
distractus, Cassius Longinus quaestor cum aliqua parte in Syriam
in columis rediit. Et hæc omnia falsa sunt. Primum vbi erat iste ex-
ercitus, si ad decem millia cesa sunt, ad decem capta? quam Arme-
niam, & Ciliciam mihi narras? Dio. scribit, Cassium Longinum
multò ante Crassi mortem, sese in Syriam recepisse.

Ad an. D CCI. pag. 129.

C. Cassius cum ex clade, quæ a Parthis ad Carrhas illata est
cum parte exercitus in Syriam se recepisset: Hoc, ut opinor anno
Parthorum, qui in Syriam transcenderant, impetum retudit, si qui-
dem scribit Dio, Parthos victoriam elatos non admodum magnis co-
pjis in Syriam, quam nullo teneri exercitu opinabantur, transisse,
atq; à Cassio fortissimè repulsos esse. μετὰ δὲ inquit Dio. τοῦτο καὶ
εἰς τὴν συρίαν οὐ μέτοι καὶ ἐν πλῶθει τινὶ ὥς μὴ τε στρατηγὸν μὴ τε
στρατιώτῃς ἔχουσαν ἐνέβαλον. ἀφ' οὗ περιέσσιος ραδίως αὐτοὺς
ἄτε μὴ πολλοὺς ὄντας ἀπώσατο. id est. Post hæc autem Parthi
etiam in Syriam non tamen in magna aliqua multitudi-
ne quip-

pc

pe, quæ neque Imperatorem, neque milites haberet, irruerunt ex qua quidem ipsos Cassius, ut potè non multos facile repulit. De Cassio, quòd ante stragem illam in Syriam se contulerat, supradictum est. Dio non dicit Parthos victoria fuisse elatos, nec quod opinarentur, sunt tuæ coniecturæ. non fortissimè, cum haud magna fortitudine esset opus ad paucos repellendos, sed scripsit *παύτως*, id est facile. en admirabile hominis iudicium.

Ad an. DCC I I. pag. 130.

Iterum Parthi Orodis regis filij nomine, Orasce quodam duce se in Syriam, intulerant, atq; redactis omnibus in potestatem locis usque ad Antiochiam peruenierunt. Dio. lib. xl. Barbaris rursus Syriam maioribus copiis Pacoris quidem Orodis magis filii nomine re autem vera (filius enim illius adhuc puer erat) Orsacis ipsorum ducis inuaserunt, & usque ad Antiochiam venerunt, omnia, quæ ferebantur, sibi subicientes Dio negat nomine Pacori Parthos transisse in Syriam: tu, qui, credo, ea melius nosti, affirmas. Parthi subiciendo sibi quicquid obuium fiebat peruenierunt usque ad Antiochiam: tu scribis redactis omnibus locis in potestatem. & quæ nam erant illa loca?

Ad an. DCC I I I. pag. 131.

Dio ab Appio Claudio multos equites, & Senatores notatos scribit inuito collega: libertinos, atque alios nobiles multos, atque inter ceteros C. Salustium historicum Senatu esse motos. Libertini igitur hac tua versione in Senatum lecti fuerant, ac Senatores erant: si moti sunt Senatu. quod tamen ipse negas in lib. ii. de Ant. Iure. ciui. Rom. his verbis. Verum ne in Senatum quidem lectos esse libertinos, inde apparet, quod ne libertinorum quidem filii lecti sunt. quid respondes Sigoni? in has difficultates incidimus dum nimium diligenter græca conuertimus. Dio habet *πάντας τοὺς τῶν ἀπελευτέρων*. id est omnes libertinorum filios. Patet iam ex his Dionis verbis filios libertinorum, non libertinos Senatu fuisse motos; & ipse etiam libertinorum filios in Senatum fuisse lectos; quod tu eodem in loco negas.

Ibidem.

Adiicit Dio neminem prudentem hoc tempore hunc magistratum affectasse, ne aut notandis ciuibus in odium, aut notis præter eundis in populi reprehensionem incurreret. Hæc adhuc in meo Dione quæsiui, nec reperire potui.

Ita

Ibidem.

Itaque eum hoc anno censum egisse, ac pro cccxx. millibus ciuium, quæ ante ciuile bellum censa essent, c. l. millia tantum, reliquis bello ciuili confectis inuenisse: eum autem ipse ciuium paucitatem ex censu cognosceret, præmia iis, qui liberos multos procreassent, proposuisse. Quam hæc vera sint ostendent hæc Dionis verba ex lib. xliii. ἐπὶ δὲ τῇ δεινῇ ὀλιγαριθμία διὰ τὸ τῶν ἀπολωλότων πλεθος, ὥς ἔκτε τῶν ἀπογραφῶν (καὶ γὰρ ἐκείνας τὰ τε ἄλλα ὡς περ τι τιμητὴς ἐποίησε) καὶ ἐκ τῆς ὀφείας αὐτῆς ἡλέγχετο ἢ πολυπαιδίαις ἄθλα ἐπέθηκεν. id est. & quoniam magna erat hominum paucitas propter multitudinem eorum, qui perierant, quique proscripti fuerant (illas enim proscriptiones, & alia tanquam censor quidam fecit) & ex ipso aspectu colligebatur, iis præmia proposuit, qui multos procreassent liberos. Vides nullam fieri census, nec ciuium censorum mentionem? vides colligisse paucitatem ciuium etiam ex eo, quod ciuitatem infrequentem videret?

Ad an. DCCVII. pag. 134.

Nam Cæsar cum neque in annum, neque in reliquum anni spatium consulatum gessisset, sed viuens, ac nullis legibus, neque auspicijs coactus abdicasset: alium honoris eius duntaxat gratia, sibi subrogauit. Diuersa ab his tradit his verbis, Dio lib. xliii. ὁ καὶ σαρκενὸν διατέλους τὴν ἀρχὴν τὸν ὑπατον ἔσχε ἄλλῃ τῇ ῥώμῃ γεόμενος ἀπείπετε αὐτὴν, καὶ τῷ φαβίῳ τῷ ἰκόντῳ, τῷ τε τρεβόνιῳ τῷ γαίῳ ἐνεχείρισε. id est. Cæsar consulatum non vsque ad anni finem gessit; sed cum Romæ fuit, eo se abdicauit. & Q. Fabio, & C. Trebonio dedit. *Viuens*, dixisti: ego putabam etiam mortuos posse magistratu se abdicare. quero cur hæc addideris: *nullis legibus aut auspicijs coactus*. quero item quid sit, non gerere consulatum in annum, neque in reliquum anni spatium. num est ultra annum alius illius anni spatium? Affero. quæ tu Cæsari tribuisti, à Dione esse scripta de iis, qui post secuti sunt, consulibus: quorum alius interdum duobus, vel tribus mensibus erat in magistratu deinde abdicabat, alius ei succedebat, ac ne is quidem in reliquum anni tempus consulatum gerebat, sed alii tradebat. quæ in Cæsare tum cadere non potuerunt. tu vnum, Dio duos subrogasse ait.

Ibidem.

Ex quibus, qui cal. Ianuarijs inierunt, ὃ tantum anno nomen dederunt, reliquorum, qui in parte anni fuerunt, nisi forte memo-

F

rabile

rabile aliquid gesserunt, vix vlla conseruata memoria est. Itaque eos se persecuturum esse Dio negat. non expresisti sententiam Dionis, quæ est hæc. Enumeratio annorum ab iis capitur, qui primi consules creati sunt. Atque ego quidem ex aliis eos tantum consules nominabo, qui rebus erunt necessarij. Igitur in exponendis rebus gestis, qui primi interint, eos, quamuis nihil memorabile gesserint, nominabo. Ibidem.

Hos Cæsar in Hispaniam aduersus Pompeium cum exercitus parte præmiserat. Dio lib. xxxiii. ἦσαν γὰρ ἐν τῇ Ἰσπανίᾳ καὶ τοῦ καὶ στρατοῦ στρατηγοὶ κοινὸς τε φάσιος μάξιμος, καὶ κόντος πέδιος. id est. erant enim adhuc etiam in Hispania Cæsaris prætores Q. Fabius Maximus, & Q. Pedius. non igitur Cæsar tum præmiserat, sed ante victum in acie Pompeium secum in Hispaniâ duxerat contra Afranium, & Petreium. Ibidem pag. 135.

Quamquam autem rem per se non bene gesserunt, tamen eos triumphare voluit, vt de ciuibz Romanis in Hispania victis tres triumpho agerentur, in quo maxime animum, Populi Romani perculit. Sic Dio. Non enim solum ipse egit triumphum, inuitato vniuerso populo tanquam ad quodam commune bonum, sed etiam Fabium, & Q. Pedium quamuis prætores sui fuerint, & nihil priuatum prospere gesserint, triumphare voluit. quæ ipse de tuo addideris vides: ego illud ex Dione affirmo: P. Romanum risisse in triumpho Q. Fabii, & Q. Pedii, tantum abest, vt perculsus fuerit.

Ad an. D CXCIX. pag. 128.

Donec Catugnatus dux eorum alijs quibusdam ex ijs, qui ad Isaram incolunt, auxilio venit: quos insidijs citra flumen positos omnes ferè palatos ad internicionem redegit. Me miserum, quid hac versione contortius, obscurius, imperitius? Audiamus Dionem quem prorsus euerrendum suscepisti. Μέχρις οὐκ ὅτε κατούγνατος ὁ τοῦ πάντος αὐτῶν ἔθνους στρατηγός, καὶ τινες ἄλλοι τῶν παρὰ τὸν Ἰσάρα οἰκούντων ἐπικούρησαν σφίσι. τότε γὰρ οὐκ ἐτόλμησε μὲν αὐτοὺς ὑπὸ τῆς πλῆθους τῶν πλοίων περὶ αὐτῶν κολῆσαι μὴ καὶ συστρεφῶσι. ἰδόντες σφῆς ἀντιπαρτεταγμένους ὑλῶδους διὰ τοῦ χωρίου μετὰ τὸν ποταμὸν ἐνθαῦς ὁπὸς ἐνέδρας ἐν αὐτῶ ἐποίησαντο καὶ τοὺς αὐτοὺς διαβαίνοντας ὑπολαμβάνων ἐφθιρε. φεύγουσι δὲ τίσις ἐπισπόμενος περὶ πρὸς αὐτῶ κατούγνατῶ καὶ πασσυδιὶ διώλετο εἰ μὴ χειρὸν σφῆδρος ἐξαίφνης ἐπιγενόμενος ἐπέσχε τοῦ βαρβάρους τῆς διώξεως. id est. Donec Catugnatus totius illius nationis prin-

seps, & alii Isaram accolentes auxilio ipsis Ventianis venerē. tunc enim Manlius non est ausus ipsos prohibere propter multitudinem navium transire, atque etiam ne conglobarentur, cum vidissent Romanos instructos ex aduerso: sed cum locus iusta flumen syluofus esset, in eo insidias collocavit: & continenter transeuntes inuadens, interficiebat; & fugientes quosdam insequens in ipsum incidit Catugnatum; atque prorsus deleri potuisset, ni vehemens tempestas subito exorta barbaros retinisset ab insectatione. Primum, ais dux eorum. quorum? Deinde qui posuit insidias? te interprete Cotugnatus: at Dione auctore, Manlius. Deinde quinam erant illi palati, quos est periecutus? te doctore, ii, qui ad Isaram incolunt: me interprete, Romani, sed non palati. Deinde Dio, *πασσυνδιδώλετο*. prorsus deleuisset. tu micus amplificator asseueranter ais, ad internicionem redegit. Postremo turpissimē lapsus es, cum scripsisti, ad Isaram incolunt, quod accusatiuum cum ad tribuisti verbo incolunt, quod incolunt pro accolunt, posuisti. en hostis Centonum acerrimus.

Ibidem.

Ita, vt quidam etiam vulnerarentur. Dio lib. xxxix. *ἄσπερ καὶ σφαγὰς συμβῆναι.*; vt etiam cedes factæ fuerint.

Ibidem.

Crassus venodotiam militibus diripiendam concessit: locis omnibus, quæ intra Tigrim sunt, in dictionem redactis. Falsa omnia. Plutarchus in Crasso. *διηπάσα τὰ χεῖματα καὶ τοὺς ἀνθρώπους ἀπέδωκε*. id est. Diripuit opes, & homines sub hasta vendidit. Dio his iisdem verbis utitur: iisdem Appianus, quorum vterque asserit, Crassum, si strenuē sequi voluisset, potuisse omnia in potestatem redigere, quæ sunt intra Tigrim.

F 2

Habes.

H Abes Sigonii errata, quæ successu operis in tuo **Commen-
tario** in Fastos à primo bello punico vsque ad Cæsaris triumphum
animaduertere mihi licuit: iam ad ea te para, quæ ex tresdecim pa-
ginis tui Scipionis iterum excerpti, vt hinc cognoscere incipias, vter
nostrum Scipionem infamarit, melius totum conceperit, partes
explicarit, ac omnes historię leges obseruarit. Atque vt parem ti-
bi gratiam referam, ab ipsa exordiar inscriptione.

*scilicet Scipionis
et Pauli
miliarij nomina
et Scipionis
et Pauli
Cis.*

De Vita, & rebus gestis. Tu hæc non præstas. multa enim, quæ
non fecit, illi tribuis: permulta ab eo, Sapienter iuste fortiter cō-
tinentes quæ facta, dicta q; omittis: quæ q; facta prodīs, pleraque eo-
rum partim nimis amplificando, partim extenuando corrumpis. **P.
Scipionis Aemiliani.** Desunt hæc: Africanus minoris, & Numantini.
Appellatus enim fuit. P. Cornelius Scipio Aemilianus Minor Afri-
canus, & Numantinus. Atque Africanus etiam post adoptionem
teste Cicerone, & Lilio, ante quam quicquam gessisset, dicebatur.

Pag. 4. ver. 12.

*intelligit Sigon.
religiosa nomina
et Scipionis
et Pauli
miliarij nomina
et Scipionis
et Pauli
Cis.*

Qui P. Aemilij Paulli ab ineunte adolescētia nomen tulit. Aemi-
lii, & Pauli à die Natali tulit, Publii à lustrico: qui si Plutarco, &
Festo credimus, erat nonus.

Pag. 4. ver. 33.

Iam patre L. Aemilio Paulo &c. Quæ his quatuor versibus tra-
dis, si vnde sumpseris, ostendes, concedam non esse superuacanea.

Pag. 4. ver. 31.

Scipio et Paulus

**L. Aemilius Paullus eo animo fuit: vt, vbi collegam ab iniquo
committendo praelio oratione deterrere non potuit, ipso pugna au-
ctore se in fugam coniiciente Varrone, mortem sibi potius oppeten-
dam, quam tam turpem capescendam fugam esse statuit.** Paullus,
quo die ad Cannas pugnatum est, ne verbum quidem cum Varro-
ne commutauit. Varro, inquit, Lilius lib. xxii postero die nihil
consulto collega, signum pugnae proposuit. Deinde causa mortis,
quam tu affers, non est vera: vt hæc ipsius apud Liliū verba ostē-
dunt. Tu me in hac strage militum meorum patere expirare, ne
aut reus inteream, causaq; consilia accusator collegæ existam;
aut alieno crimine innocentiam meam prolegam. Sic falsis præden-
dis causis, historię centones vitantur.

Pag. 4. ver. 38.

Hic autem Paullus, duas, vt scribit Plutarchus, uxores habuit.

De

De Papyria tantum agis : de altera , deque duobus , quos peperit ,
 filius nihil prorsus : neque de duabus ex Papyria susceptis filiabus . vt
 tibi , credo , liceret etiam prætermittere , quam fortiter Scipio mor
 tem ipsorum tulerit , atque vt , cum pag. 37. agis de liberalitate Sei
 pronis in sorores , queratur an vllam habuerit , cum nihil de ipsa
 scripseris .

Pag. 4. ver. 47.

Paullus totum se contulerat ad filios suos inueniendis disciplinis ,
 atque honestis artibus omnibus instruendos . Vel pro ornare , &
 armare , vel pro instituere , & erudire posuisti instruere . Vtro modo ,
 & Paullum ipsum id fecisse ; & te instantem esse confiteare necesse
 est cum infra scribas , instituendos curauit . addidisti , totum , contra
 sententiam Plutarchi . qui tradit Aemilium eodem tempore & filios
 instituisse ; & auguriis operam dedisse . Item , omnibus , quod omnes
 tu credo . honestas artes enumeraueras . denique sine exemplo dixisti
instruendos ingenuis disciplinis , atque honestis artibus .

Pag. 4. ver. 50.

Itaque Romana eos disciplina . & patria prout ipse imbutus erat
 Græcis autem literis , atque doctrinis paulò aliquanto ambitiosius
 instituendos curauit . Quid orator optimè probasti , vt statim col
 ligeres , & concluderes ? præterea Plutarchus φιλοτιμότερον , am
 bitiosius . tu paulò aliquanto , addidisti , vt Plutarchum corrigeres
 & factum imminueres . quæ tamen duo aduerbia tantum abest , vt
 coniungantur ; vt nusquam me , aliquanto , legisse affirmare possim .
 in primis erratis reprehendi te , quòd , instituendos , dixisses , cum
 Plutarchus haberet τοὺς παῖδας ἀσκήν . id est filios instituens , vel
 erudiens . Tu autem te defendis : quòd ἀσκήν non significet insti
 tuere , vel erudire , sed adhibitis magistris filios erudiendos curare .
 Primum dicimus te arroganter , facere , qui sine vllò græcorum testi
 monio id audeas affirmare , cum ego sexcenta probatissimorum au
 ctorum proferre possim , & in primis Platonis in Euthidemo , Ari
 stotelis in vii. Politicorum , Isocratis in Parænesi ad Dæmonium .
 Sed mihi testimoniis non est opus , res ipsa per se loquitur teque vt
 mox audies , confutat . Deinde ῥόγον παιδείαν , καὶ πατρίαν . Roma
 nam , a que patriam disciplinam reddidisti , & per Romanam & pa
 triam disciplinam intelligis grammaticam , cum scripseris , adhibitis
patrijs grammaticis , instituendos curauit . quo quid absurdus , quid
 imperitius dici potest ? tu isthæc audes effutire temere ? Postremo ,
 Paullum patrios adhibuisse grammaticos ad filios instituendos asse

ris qui omnem se antiquitatem tenere iactas, cum eo tempore nulli essent Romæ Grammatici, nulli qui pueros Grammaticam docerent. Est ergo Sententia Plutarchi. Paullus domestica disciplina patrisque moribus, & institutis imbuat filios; ut ipse imbutus fuerat; græca autem disciplina ambitiosius instituendos curauit. Sentis iam, ut, dum vni vulnere leui brachio illato mederi conatus es, alia grauiora acceperis? Pag. 4. ver. 52.

Qui accepta in secundi consulatus petitione repulsa se totum contulerat ad filios suos instituendos. Plutarchus in vita tradie Aemilium, cum sæpenumero consulatum petiisset, ac semper repulsam tulisset, ad auguria, & filios instituendos se contulisse.

Pag. 5. ver. 5.

Quem Cicero scribit tenui admodum fuisse valetudine; sed insigni tamen eloquentia. Cicero de claris oratoribus: filius, inquit, Scipionis, si corpore valuisset, in primis habitus esset disertus. num dicit, fuisse insigni eloquentia? adde; quod hæc Scipionem non attingunt.

Pag. 5. ver. 15.

Ut ingentem patris Paulli, auique Africani gloriam tum bellicam adæquaret, tum domesticam anteiret. Scipio paternos honores, auctore Cicerone, superauit; auitos æquauit, eloquentia utrique superior fuit, abstinentia, cæterisque animi ornamentis par. Velleius Scipionem virtutibus, & patris, & aui simillimum fuisse prodit: & illius vitam auito fulgore victam. Anteire gloria aliquem recte; sed anteire domesticam gloriam alicuius non recte dicitur.

Pag. 5. ver. 1.

Factum est autem, ut hic puer, cum ad omnem virtutem satis, ut in illa primæ ætatis potuit imbecillitate, iam profecisset, non in Aemilia familia manserit, sed in Corneliam se contulerit. Primum quæro, a quo acceperis Scipionem tantum profecisse, & post tantum profectum adoptatum fuisse, & non ante. Deinde, ego iure iurando confirmare possum, me nusquam legisse Aemiliam familiam & Corneliam familiam: neque video, quo modo ista coniungi possint, cum, te magistro, familia ad cognomen, Aemilia & Cornelia ad gentem referatur. Quare si me hoc docere non grauaberis, credam post hac, te nullius scrinia compilasse. postremo, contulerit se in Corneliam familiam, tuum est dicendi genus. in eo enim verbo inest libera facultas, & voluntas eius, qui aliquò proficiscitur in Scipione non erat vlla adoptionis facultas, sed in adoptante.

Ab

*Sub: D. Velleius
Ingen. & p. ubi
Lupus de Ingen.*

Pag. 5. ver. 9.

Ab his ergo nobilissimis siue generis, siue disciplina incunabulis profectus adolescens clarissimus. Hic per nouem versus oratorē, non historicum agis. Proponunt Oratoreis, & Poetæ in principio qua de re sint dicturi; tu autem, vt eos imitarere; sed non in principio, sic proponis, quibus ille rebus gerendis sit assecutus, breui, & quidem à primo illius tirocinio, demonstrabo. quid aliud dixisses, si laudationem scripsisses? atque hæc omnia ex tua officina.

Pag. 5. ver. 24.

Illud ad perpetuam illius memoriam insigne adidit. Illius imperi te dixisti, pro sui.

Pag. 5. ver. 24.

Scipio illud ad perpetuam illius memoriam insigne dedit: quòd Persem tam acriter, & cupidè est persecutus; vt longo temporis spatio nusquam apparens cecidisse in pralio creditus sit. Hic quadrat illud Horatianum. Parturient montes nascetur ridiculus mns. Facinus insigne ad perpetuam illius memoriam tibi fuit, quòd ita acriter, & cupidè Persem persecutus fuerit, vt in pralio cecidisse creditus sit: ò facinus inauditum, & tanto præconio dignum.

Pag. 5. ver. 25.

Scipio Regem ipsum Persem graui à patre pralio pulsum, tam acriter, & cupidè est persecutus, vt longo temporis spatio nusquam apparens cecidisse in pralio creditus sit. Primum, negamus Scipionem Regem ipsum fuisse persecutum: Deinde, te hoc vno loco prorsus Scipionem infamasse, affirmamus: tot, ac tanta commemoratione dignissima omisisti, à Liuiò, & à Plutarcho his verbis prodita. Scipio, quo die exercitus Persei fusus, fugatusque fuit, adeò effusè, auideque hostes infectatus est: vt cum longè plura passuum milia progressus fuisset (ad xv. milia passuum fuerunt) quam quisquam aliorum, in castra se cum cæteris recipere non potuerit. Vnde factum est, vt consul vnus cum victor in castra redisset; & filium, quem vnice diligebat, quod ingenio & progressu ad virtutem fratres longè superare cernebat, nusquam appareat intellexisset; eumque, quòd esset admodum adolescens, audax, & gloriæ cupidus, mortuum suspicaretur omnibus læticia tante victoriæ militibus (cæsa ad xx. milia hostium, & ad xii. capta dicuntur) exultantibus, gaudioque triumphantibus in magno luctu, ac dolore versabatur. Cuius quidem rei fama per omnia castra per lara, ma-

ximus

ximus à cena militum sit concursus, partim in prætorium ad Imperatorem consolandum, partim ad eum facibus accensis conquiescendum inter hostium cadavera. Mœstitia exercitum habebat: campi vocibus Scipionem vacantium personabant: quòd omnibus statim à principio specimen futuræ probitatis, ac virtutis tum in bello gerendo, tum in Rep. administranda dedisset; & omnes sanguine illi coniunctos natura, atque ingenio superaret. Diu cum quæsitus, atque vocatus esset, tandem ad multam noctem, cū iam de illo desperassent omnes cum duobus, vel tribus sociis ouans gaudio, & sanguine hostium perfusus tanquam generosus catulus ab hostium persecutione in castra, atque inde in prætorium ad patrem venit. Qui tum demum recepto sospite filio, victoriæ gaudium, quod ne ad eam horam sincero frueretur, cura de illo stimulauerat, sentire cæpit. Et audes verbum facere? audes *Εὐρὸς εἰς Ἀχόιν* scribere? audes, me quòd vnum verbum omiserim reprehendere? omisisti etiam hæc à Lilio memoriæ prodita. Paullus filios admonuit, vt fortunam, cui tantum liceret, reuerentur.

Pag. 5. ver 26.

Accessit ad prudentiam adolescentis augendam, ac disciplinam eius militarem instituendam, quod parta victoria, pater, dum legati Roma ad res Macedonias componendas, regionemque constituendam venirent cum Græciam circuire decreuisset, hunc perpetuò sibi comitem esse voluit. vt facile iudicari possit, quæ Paullus ex re bellica haberet vel usu, vel ratione comperta, ea tum in illa peregrinatione omnia filio tradidisse, siquidem &c. Et hic præterquam, quod ab Historicis ad Oratores deficiis, superuacanea scribis, & tuas coniecturas male conceptas. dicis enim; vt facile iudicari possit &c. vnde nam facis hanc coniecturam? Siquidem, ais, Scipionem multa militaria patris documenta in sermone accepimus surpassasse. Primùm negamus te à quoquam accepisse: Deinde, vñ documentum apud te tantam vim habuit, vt inde rem tantam colligeres? id me hercule longè melius, & commodius domi facere potuit, quam in eo intinere: in quo verisimilius est, eos de victoria, rebusque Græcis inter se locutos fuisse. Sine exemplo dixisti, vel usu, vel ratione comperta. Nam compertum habere, est aliquid per inuestigationem scire; id est, inquirendo inuestigando, & percunctando, aliquid ab aliquo conoscere. potes, etiam delere illud perpetuò.

Bonum

Pag. 5. ver. 42.

Bonam Imperatorem nunquam ad decertandum adduci oportere, nisi vel summi rei necessitas cogat, vel egregia occasio adhortetur. Hic valde friget hæc sententia. Nam eam in obsidione Numantie protulit. Illic collocanda fuit. ubi vim suam ostendit. neque hæc Scipio triumphum patris cohonestavit, suo loco narras supra et ante ponenda, ubi de Paulli patris victoria commemoras. *Studia.* Non potest te negaturum, ea, quæ supra commemorasti de Romana disciplina, & patria, de Græcis literis, atque Latinis de Grammatica, & Rhetorica, quibus Aemilius filios instituendos ambitiosius curavit, pertinere ad studia Scipionis. Si ita est, vide tu historicorum deus, quo iudicio ea diuiseris, ut inter hæc, & illa de Tyrocinio egeris. quid? non ne etiam non pauca de his ipsis Scipionis studiis pag. 36. ubi de moribus agis, persequeris?

Pag. 5. ver. 55.

Reliquum tempus omne partim in legitimis stipendijs conficiendis partim in rectissimis studijs literarum concelebrandis, quantum perspicui potest coniectura, traduxit. Hæc, ut ais est, tua coniectura, quæ tamen ex ea parte accipi potest, quæ ad studia pertinet, non ad stipendia: quæ si confecisset, aliquid sine dubio fecisset, quod esset memorie prædium. Item, traducere tempus in aliqua re, proponere, & consumere in aliqua re, non me legisse memini: & perspicui coniectura, inaudita est, nec ista vilo modo coherere possunt.

Pag. 6. ver. 3.

Vt cum eo non res domesticas solum, & bellicas communicarit etc. Attende hostis Centonum an Ciceronis verborum sententiam expresseris. Quo cum mihi coniuncta cura de Republica, & de privata fuit: quocum domus fuit, & militia communis. num communicare res domesticas cum aliquo, & bellicas: est idem, quod vivere coniunctissime cum aliquo: & cum eodem militiam exercere? cupio etiam ex te scire quid sit, communicare cum aliquo res domesticas, & bellicas; & unde sumpseris. Hic tu me pagina 17. reprehendis, primum, quod, tam amantissime, scripserim: deinde, quod, eadem essent studia, & peregrinationes: quod illud sit musitatum: in hoc, sit pro essent, fuerint, reponendum hic imperitiam simul, & malitiam tuam patefaciam. Cicero de amicitia. Vituperanda, inquit, est rei tam maxime necessaria tanta incuria. iam recognosce tuam malitiam viro bono, & literato indignam. mea

G

verba

verba sic se habent. Tam amantissimè coniunctissimèque viuebat: ut eadem essent studia, vna esset domus, idem victus, isque communis. multis in locis hac citandi turpissima ratione vteris, ut propediem ostendam summo cum tuo dedecore.

Pag. 6. ver. 7.

Polybium autem Megalopolitanum &c. Si temporum ordinem sequi volebas, primum de Terentio agere, deinde de Polybio debebas. Hic te reprehendi, quod nihil de Metrodoro scripsisses; idque de sententia Plinii, quam tu dicis me non fuisse assecutum; quod Plinius intelligat, duos illos Aemilii liberos ex secunda uxore susceptos, & hoc maxime niteris: quod Scipio tum supra annos septemdecim natus esset; & ob eam causam non egeret præceptore. Primum Lilius mendaci te conuincit, his verbis. Scipio decimum septimum tum agens annum, Deinde cum Cicero, Velleius, Plutarchus tradant, tuque etiam de sententia ipsorum scribas opera Polybii, & Panetii domi, & foris Scipionem iam natu grandem usum fuisse: quæ tua impudentia simul, & ignorantia est, eundem iam domestica, patria, puerilique disciplina, & rhetoricis imbuium Metrodorum habuisse præceptorem, negare? & Paullum ad reliquos duos filios nondum puberes, nec in Grammaticis satis exercitatos tantum Philosophum adhibuisse, contendere? quis igitur præter te dubitabit, Plinium cum omnes Paulli filios, tum vero maximè Fabium, & Scipionem intellexisse? quæ cum ita sint, & ego iure te reprehendi, quod in enumerandis Scipionis præceptoribus Metrodorum præterieris: tuque contradicendo tuam iterum imperitiā patefecisti. Polybium, sine auctore, virum eloquentissimum apellas, nec probo, quod de Panætio ita scribis. *Cum Panætio porrò viro in stoica disciplina præclaro, & domi, & foris coniunctissime vixit.* Cicero Tuse: prima vnde tu hæc sumpstisti, sed peruertisti, Panætius, inquit, cum Africano vixit. Tu, *Scipio vixit cō Panætio.* Sentis ne te Scipionem infamasse? nam cum dicis, *Scipio vixit cō Panætio*, significas, cum domi Panætii esse assidue consueuisse; ibique vixisse; cum contra factum sit, ut Cicero tradit, & decorum fuit. Quis etiam tibi dixit: Scipionem sepe adhibuisse præcepta, & doctrinam Panetii ad res maximas gerendas?

Pag. 6. ver. 24.

Ex quo intelligi potest, virum hunc. Hicque scribis per sex verbus, tua sunt, superuacanea, & oratorem sapiunt. *Ascendere ad fastigium gloriæ, non legi.*

Quarum

Pag. 6. ver. 48.

*Quarum rerum si vnum, atque alterum maxime ad commemoratio-
nem illustre monumentū attulero abūde me muneri satisfacisse meo
existimabo. Ad ea quæ alibi diximus, & suo loco confirmabimus
hæc addimus; primum, quod & hic ab historicis ad oratores defi-
cis. quid enim ad captandam attentionem, & docilitatem aliud di-
xisses, aut pollicitus fuisses, si laudationem confecisses? Deinde quæ
est ista tua impudentia, vt tanquam rebus à Scipione ibi gestis inter
fuisse, aut ab aliquo scriptore didicisses, cum alia permulta edidisse
facinora, dicas, te vnum aut alterum allaturum? Postremo, quod
imperitissimè scripsisti vnum, atque alterum monumentum. nam
vnum, atque alterum auctore Donato in Andriam Terentii, & Ser-
uio in Virgilium, tria significant; tu duo tantum Scipionis facino-
ra commemorasti; præterea, monumentum est idem quod memo-
ria, literæ, cōmentarij. publicum opus, trophæum ac denique quic-
quid alicuius rei præteritæ nos monere potest, monumentum di-
citur, tu pro facinore posuisti. en historicorum, & iatinè scientium
princeps.*

Pag. 6. ver. 45.

Legatus L. Lucullo profectus. In Fastis tribunum appellas.

Pag. 7. ver. 9.

*Quibus de rebus &c. Reprehendi te, quod omiseris, coronam
muralem. hic addo, quod prodere neglixisti, quod tradit Plin effi-
ge illius pugne, in qua Scipio barbarum interfecit, eius barbari filiū
quoad vixit, signasse: item Scipionem M. Halienum Pelignum in
acie scuto suo protexisse, & gladium hosti in pectus infixisse.*

Pag. 7. ver. 20.

*Qui tantum iam erat apud Imperatorem auctoritatis adeptus:
vt auxilia &c. Nemo tradit, Scipionem ad Massanisam fuisse mis-
sum propter adeptam auctoritatem apud Imperatorem. Deinde ver-
ram eius mittendi causam fuisse assero, quod erat legatus Lucullo.
nam eo munere legati consueuerant in bello fungi:*

Pag. 7. ver. 32.

*Quæ ex re tantum voluptatis accepit, vt sæpe postea glorians
dicere solitus fuerit: duos tantum ante se &c. Tu dum arbitratu
tuo Græca conuertis, & omnia contaminas, ineptias multiplicas.
Causam voluptatis Scipionis eam facis; quod duo tantum ante se
Iuppiter, & Neptunus acies inter se pugnantes, spectarint; & sine*

G 2 iudicio

iudicio. nam Appianus eam tradit fuisse; quod Scipio tutus, & omni periculo vacuus eam pugnam spectasset. his verbis. *μόνον γὰρ ἐφ' ὃν, τὸν δὲ τὸν πόρον ἀφ' οὗτος ἰδεῖν*. id est dicebat, enim se tutum & omni periculo vacuum, illam tantum pugnam spectasse. ut hęc sit verissima Appiani sententia. Scipio dicebat. Sed quidem ex aliis certaminibus, quibus postea interfuerat, cepisse voluptatem; sed nunquam tantam, quam tunc ceperat à Massanisæ, & Asdrubalis certamine. propterea quod aliis certaminibus cum periculo vitæ interfuisset; illud vero sine ullo metu, & periculo spectasset. sentis iam quam imperitè scripseris *ἀγῶνας ποικίλους* significare ludos Romanos? & quam facillè sim te euenurus? sed patet faciamus iam tua in is decem versibus multa, & fæda errata: ut confirmetur, te prorsus Scipionem infamasse. Primum est: quod eodem die quo Massanisæ, & Asdrubal pugnarunt, illic Scipionem accessisse putasti. 2. quod à regis filio Scipionem acciprum scripisti. 3. quod causam voluptatis Scipionis esse Iouis, & Neptuni spectaculum voluisti. 4. quod, *ἀγῶνι ποικίλοις* ludos Romanos interpretatus fuisti. 5. quod omisisti pugnam ab aurora, usque ad noctem à Scipione spectatam fuisse. 6. Massanisam omnem equitatum Scipioni obuiam misisse. 7. Massanisam à quot filijs, ut Scipionem exciperent, imperasse. 8. Scipionem in variis certaminibus fuisse versatum. 9. Scipionem, ut rem amplificaret, illa de Ioue, & Neptunno sepe vsurpasse. 10. Massanisam, quod Scipio esset Africani nepos, eum honorificè accepisse. 11. Scipionem victori Massanisæ occurrisse. 12. ut Massanisam, & Carthaginienses conciliaret, operam dedisse. 13. omnes causas, quibus Carthaginiensibus, cum Massanisam nihil convenire potuit. 14. Cohortes à Massanisæ acceptas in Hispaniam Scipionem traduxisse. 15. quod sine causa addideris, *ut prope res ipsa cogebat*. 16. *Glorians*. 17. *Homero teste*. 18. cum autem fama aduentus eius, totam iam esset Africam peruagata, tanta fuit, iustitiæ illius inter eas gentes opinio. 19. quod *ἐξέδεοντο*, *asciuerint*, reddidisti. 20. quod, *asciuerint*, non propriè vsurpasti. nam *asciscere*, cum ad personam refertur, significat, accersere, aduocare, sibi adiungere: præterea in verbo Græco sunt præces: in Latino, nescio quid imperii. Adde, quod etiam, ut Centonem, credo, vitares Valerium corrupisti. Valerius enim, disceptatorem: tu *arbitrum*, ille, velut, tu, *tanquam*, ille habuerunt. tu, *asciuerint*, Valerius Consulem: tu omisisti, & ut nihil intactum relinqueretur, *asciscuntur* absentes. Scipio

propraesens aderat: Item de pace asciscere; non recte dicitur. cur istam non definis artem? Pag. 8. ver. 25.

Quibus rebus tantum iam terroris omnibus, simulque tantam virtutis opinionem attulerat, ut Himilco Phameas strenuus sancti hostium praefectus, qui magno alias incommodo Romanos milites, quoties frumentabantur, affecerat, Scipione copias adducente nusquam se ostendebat. Et hic Oratores, non historicus, cum rei amplificandae causa epiphonemate utaris, eoque sine auctore, cum nullus sit, qui tantum illud terroris, & tantam opinionem virtutis attulisse prodatur. nec recte praeposui terrori opinionem virtutis. nam ex opinione virtutis terrorem oportuit nasci. & oratio decrevit. nec tibi constas. hic enim causam, quam ob rem Phameas non se ostenderet, terrorem fuisse, & virtutis opinionem affirmas: infra prudentiam Scipionis in exeundo in campos. illa est tua: haec Appiani. Praeterea, ut feruies, credo laudibus Scipionis, qua re Phameas incommodo Romanos afficiebat, non exposuisti. Sic Appianus. Erit quidem Phameas Himilco iuuenis, & ad pugnandum audax, is cum praefectus equitum libycorum esset, & equis uteretur illis quidem parvis, sed cursu velocissimis, herbaeque cum nihil aliud erat, vespertibus, ac sic cum opus erat, famemque facile tollerantibus magno erat impedimento & incommodo Romanis ductu Tribunorum in frumentationes, ac pabulationes proficiscentibus. Nam ex sylvis, & conuallibus, in quibus latitare consueverat, ex improviso, ubi quid negligentius agi videbat, frumentantes inuadebat Romanos, & aliquo illis illato damno e conspectu in tutum euolabat: cum nusquam tamen Scipione id muneris obeunte, prodire auderet. Pag. 8. ver. 35.

Quod animaduerteret, Scipionem non, ut alios, temere in campos exire, sed certis ante in locis equites, peditesque paratos aduersus hostiles, sicunde emergerent, insidias collocare. Attende quid inter tuam arrogantem, mancam, & obscuram versionem, & Appiani veram, absolutam, & dilucidam expositionem intersit. & non negabis te vnum Scipionem infamasse. Pedites, inquit, Scipio instructos, & equites in equis paratos semper ducebat: ac ubi ad locum, ubi erat pabulandum, atque frumentandum, acie instructa peruenerat: non ante ordines dissipauit, quam equitibus cum pedibusque circumdatum firmasset. quo facto eundem ipse campum cum reliquis equitum turmis continenter lustrabat: & si quem

ex

*videtur Berdin.
candi erant iudae
que paulo ante
in his: asperit
ut le formae
opinione uirtutum.*

ex frumentatoribus longius vagantem, aut e circulo egressum deprehendebat, in eum grauter animaduertebat. unde factum est ut cum eo Phamæas congregi non auderet, quod in primis metueret eum, atque reuereretur. num tibi videris parum detraxisse, de Scipionis diligentia, & prudentia, neglectis tam multis? nun unico tantum ad uerbis, temerè, Appiani sententiam expressisse?

Pag. 8. ver. 24.

Quod à Scipione inire gratiam cuperet, quocum summa vetustas esset. nemo isthæc tradit, tua sunt somnia. est mihi tecum summa vetustas. nusquam leges. sed cum me hercule in cæteris rebus tuum admiror ingenium, tum verò maxime in appositis, & ad nomen adiunctis, nemo est enim, qui peritius, & loco magis his utatur, quam tu.

Pag. 8. ver. 30.

Quin etiam paucis post diebus &c. Huc erant ex Appiano hæc transferenda. Cum verò Libyci in turres, & castella, quibus abundabat ea regio, confugerent: alii Tribuni militum interposita fide dimittebant, deinde tamen in itinere aggrediebantur. Sed Scipio domum eos dimittendos curabat. ex quo nemo Libycorum ante cum Tribunis pacem faciebat quam Scipio accederet. adeò iam creuerat illius egregie virtutis, ac fidei opinio, & apud suos, & apud hostes. & paulo infra Pro quo, & reliquis, iā editis, facinoribus, Scipio erat in ore omnibus: ut solus patre Paulo Persei Macædonum regis imperii euersore, & Scipionibus, in quarum familiam adoptatus fuerat dignus. num præstas quod in iudice polliceris?

Pag. 9. ver. 3.

Iam vero quantum consulem ipsum etiam rei bellicæ prudentia anteiret, aperte ostendit, primum cum ei dissuasit, ne aduersus Asdrubalem ad Nephirim tum castra habentem, contenderet Primum, refert oratorem. Deinde falsum est, Scipionem dissuasisse ante, quam Romani ad flumen peruenissent.

Pag. 9. ver. 6.

Deinde cum eundem admonuit, ne aut flumen quoddam traiceret. Hic, ut prudentiæ Scipionis aliquid adderes, permulta prætermisisti, & causas præsertim, quibus Scipio adductus ea dicebat, ab App. sic explicatas. Et iam ab Asdrubale aberant, & flumen quoddam erat traiciendum, & inde ascensu difficili ad hostes veniendum cum de reditu agere, & consuli suadere cepit, ut ab eiusmodi absi-

Æres

steret incepto, quasi opportuniore tempore, aliaque ratione, & apparatu, id esset agendum. sed in primis, ceteris aduersantibus Tribunis, qui illius virtuti, & prudentiæ inuidebant, atque etiam dicentibus, id non prudens consilium, sed animi molliem, & ignauiam esse, 'conspicis hostibus', retrocedere, & esse periculum ne se fugientes hostes infestentur: cum nihil proficeret: iterum suadere conatus est, vt saltem in ripa fluminis exercitus sisteretur, ualiumque excitaretur, vt si fortè premerentur, & hostium vim ferre nequirèt, aliquem tutum haberent receptum, cum fugæ sibi nullus alius relinqueretur locus. Hæc Appianus. consilium Scipionis duplex fuit, tu triplex fecisti. Primum Scipionis consilium, non fuit irritum, vt tu dicis, sed improbatum. ordinem Appiani perturbasti; & sic laudibus Scipionis inseruisti.

Pag. 9. ver. 7.

Per tria ferme stadia ad Asdrubalis castra progressum. Hoc dicendi genus, reprehensum est ad an. D. C. III. pag. 97.

Pag. 9. ver. 16.

Nam cum commisso trans flumen prælio Asdrubal suas in castra copias reduxit. ò miram historicum, commisso prælio Asdrubal fugit, sine vlla dimicatione, atque cæde: cum Appia. dicat, magnâ vtrinque factam fuisse cædem.

Pag. 9. ver. 23.

Tam multos tantis periculis obijciendos. Hic permulta prætermisisti, quæ ineptè prodixi in commentario in Fastos, vbi requirebatur breuitas. sed quot erant illa tanta pericula, vt esset opus numero multitudinis?

Pag. 9. ver. 25.

Tum Scipio cum exercitum &c. Quæ per quinque versus hic commemoras, omnia superuacanea sunt, & sine auctore.

Pag. 9. ver. 34.

Scipio ad trecentos equites, quos secum habebat, alijs, quot maxime potuit, aduocatis, mandauit, &c. Hic permulta reliquisti, & præter cetera, hæc. *διελὼν ἐς δύο τοῖς ἐχθροῖς ἐπὶ γῆς σὺν ἀρόμα πολλῶ παρὰ μέρος ἀνοτιζοῦντας τε καὶ ἐνθὺς ἀποχορὸντας.* idest. Scipio equites in duas partes diuisos in hostes immisit celeri cursu vicissim tela in hostes conicientes, atque statim secendentes. & hæc sunt tua somnia. *qui fessi iaculando essent, recentes integrique succederent.* Cur fessi? quamdiu pugnauerant, ut essent fessi? præterea, vox integri, cui respondet? sic erat scribendum.

Bendum, qui fessi iaculando, atque sancti essent recentes & integri succederent. en hominis publice profitentis iudicium singulare proba etiam te recte dixisse. *ad trecentos equites mandauit*. dic etiam quare hec neglexeris. dicebat enim fore, ut dimidia ipsorum pars iaculis hostes semper incesset, quibus intortis pedem referent. Quod cum crebro, & in loco haud amplo fieret, Afri continenter vulnerabantur, & in Scipionem arma conuertere cogebantur, eoque modo Romanis facilior fluminis transitus dabatur. ubi sunt in Appiano illa tua miracula? In Scipionem ad omnes partes adequi tantem, ac pugnam vniuersam, consilio, ac fortitudine sustinentem. dices, *concepi*. video te sepe concepisse, sed monstra peperisse. adeo bene concepisti.

Pag. 9. ver. 55.

At Scipio haud quaquam se passurum testatus viros fortes, subsidij inopia in manus hostium peruenire: paucis equitibus delectis, & com meatu paucorum dierum sumpto, ad hostes profectus diuersis e partibus in eos impetum fecit. Cur permulta, quæ reliquisti, huc e Fastis non transtulisti? At Scipio, ait App. Celeriter, & audacter, strenuis viris laborantibus opem esse ferendam contendebat: docebatque, priusquam aggrediare, prudentia, & consilio opus esse: adductis verò tot viris, ac signis in discrimen, proiecta vtendum audacia. Quare professus, aut eas cohortes incolumes reducurum, aut strenue pugnando, æquo animo oppetiturum, cum paucis delectis equitum turmis, assumptis etiam duorum dierum cibariis, ad tumultum contendit, omnibus de reditu illius desperantibus. quo ubi peruentum est, collem quendam contra eum tumultum, in quo cohortes obsidebantur, quam maximo cursu potuit, occupauit; atque postquam radices vtriusque tumuli, vallemque interiacentem contemplatus est, per eam fertur supra hostes. qui ubi se circumventos viderunt, effusa sese fugæ mandarunt. En qui seruit laudibus Scipionis.

Pag. 9. ver. 45.

Quibus Tribunis maxime pugnae placuerat, sententia. App. *ὁ τὸν στρατηγὸν μάλιστα ἐπιπείθεσαν ἐς τὴν μάχην* id est. Qui Tribuni Imperatorem maxime ad pugnandum impulerant. num est idem Tribunis placuit pugnae sententia, & Tribuni impulerunt Manilium ad pugnam? ordinem etiam inuertisti. Nam App. Multo ante de morte Tribunorum commemorat.

Q 160

Pag. 10. ver. 28.

Pag. 10. ver. 33.

Pag. 10. ver. 50.

Pag. 10. ver. 51.

Pag. 10. ver. 55.

Pag. 10. ver. 65.

Pag. 11. ver. 7.

H terum

H
terum
pro auct.
 Verg. lib. 1. O nuptia genitū Lauree Maricae
 Pater, in, paterem de Latona refert.

terum iret; sed inter utrunque vallis erat inuia, & accessu difficilis
ut alter alterum nec inuadere, nec offendere villo modo posset. Quam
ridicula est illa tua descriptio? quasi vallis esse possit, quæ non sit in-
ter duos montes. sed quæ nam erant illæ partes vastissimæ tuæ val-
lis? quis vnquam ex tuis verbis percipiet, quomodo, iter facerent?
qui nam erant illi tramites?

Pag. 11. ver. 16.

Sed ut hoc fieri possit, profecto vides. App. κρινῶ δ' ἔφην καὶ δύνα-
τοῦν ἡγοῦμαι φανερόν εἶναι σοι. id est. deliberabo, inquit, & si fieri
posse putabo, manifestum erit tibi. num est causa, cur tantopere
intumesceas?

Pag. 11. ver. 20.

At cum cæteris ducibus in medium progressus, quasi alia magna
de re verba factururus. Ap. μετὰ τῶν ἡγετῶν, cum turmarum præfe-
ctis. tu cum cæteris ducibus. Ap. ὡς ἐπὶ τινὶ σκέψῃ ἐτίθων. id. tan-
quam ad aliam quandam considerationem: tu, quasi magna alia de
re verba factururus. ò admirabilis græcarum literarum cognitio ho-
minis quinquagenarii.

Pag. 11. ver. 20.

Nuncius quidam e Gulussa exercitu epistolam Scipioni reddidit.
App. ἐπιστολὴν δὲ τὴν ἐκ τοῦ γλώσσου στρατοῦ ἔφερε. id est.
epistolam autem quidam ex Gulussæ exercitu attulit Scipioni. Nun-
cius Latine non dicitur qui fert epistolam. Hæc neglexisti. quam ob-
signatam, ut erat duci legendam tradidit. nihil ne hæc pertinent ad
prudentiam Scipionis?

Pag. 11. ver. 22.

Hodie ad locum illum veniam, ubi collocuti sumus tu fac, ut
quibuscum tibi visum fuerit præsto sis. Ne verbum quidem in Græ-
cis versatissimè, Appiani es affectus. εἰς τίνδε τὴν ἡμέραν ἐγώ
μὲν τόδε τὸ χωρίον καταλήσομαι σὺ δὲ ἔλθε μεθ' ὅσων βούλῃ
καὶ τοῖς προφύλαξιν εἴπε δέχεσθαι τὸν νυκτὸς ἀφικνούμενον. ad ta-
lem diem ego quidem talem occupabo locum tu verò veni cū quot
vis, & excubitoribus dicito, ut accipiant noctu ad se venientem. &
audes te omnibus literatis præferre?

Pag. 12. ver. 36.

Iamque perterritos Pænos insequens portam urbis intraverat, cū
imminente nocte ad quam pugna perducta erat. Hæc omnia quæ sine
iudicio, & imperitè scripseris, quamq; multa neglexeris, & hic, & in
Fastis hæc ex hac mea Appiani versione. Pæni contempta Roma-
norum

horum paucitate, portam ad eas rupes ferentem aperuerunt, & in Romanos impetum fecerunt, At Romanis fufis, fugatisque Pænis in urbem vna cum illis irruperunt. Iamque sol ad occasum peruenierat, cum Romani occupato iusta murû loco quiescebant. *Mancinus* ais, *admotis scalis urbem ingredi conabatur*. quid rerum gessit? *perterritos Pænos inquis, insequens iam portam urbis*. admouet scalas, & te narrante, persequitur Pænos, & portam intrat. mira quidem breuitas. vbi nā erant illi Pæni perterriti, quos insequabatur? cum admouit scalas, porta nonne erat clausa? quis eam aperuit? qui, & quibuscumque urbem intrauit? quis dicit pugnam ad noctem fuisse perductam? & ausus es scribere, te eo vno commentario dignum fuisse iudicatum, qui in locum Robortelli viri doctissimi subrogare? ô insolentiam inauditam.

Pag. 13. ver. 9.

Interea Pæni ex muris per stadia quinque progressi, vallum iaciunt. Illud, *interea*, quo spectat? progredi per quinque stadia, est tuum dicendi genus. App. τῶν τευχῶν ἐς πέντε στάδια οὓς προελθόντες. ad quinque stadia à muris progressi. ἀντήγειραν αὐτῷ χάραχα. *vallum iaciunt*, vertisti: vt nescias quo in loco. cum ipsa verbi compositione, Pænos illud vallum contra Scipionis castra iecisse, ostendat.

Pag. 13. ver. 15.

Scipio autem cum exercitum à Pisonē acceptum auaritiæ, ac desidia deditum, atque omnibus probris ignauia Pisonis affectum animaduerneret, ante eum sibi emendandum esse constituit, quam ad pugnam aliqua ratione descenderet. Itaque concione aduocata, omniumque ordinum centurionibus adhibitis, &c. Iudicet æquus lector de vtriusque nostrum versione. Scipio cum nullam in militibus à Pisonē acceptis inesse modestiam, nullum ordinem, nullam obedientiam animaduerneret: sed ignauie, auaritiæ, rapinisque Pisonis indulgentia omnino deditos: & interdum cum iis magnam institorum multitudinem versari, qui prædæ causa sequentes audaciores è castris iniussu consulis abeuntes (cum lex innumero hostium referret eum, qui longius discessisset, quam tubæ sonum audire posset) rapinas exercebant: quæque hi deliquissent, ea in exercitum conferri: & quæ rapuissent, noui certaminis, ac mali principium esse, cum multi prædæ socios vulnerarent: hos sibi paucis esse monendos, & castigandos putauit. intelligebat enim hostes difficile ab eo, qui milites dicto audientes, moderatos, atque continentes non haberet,

H 2

superari

superari posse. Quare, aduocata concione in editum quendam locum ascendit, atque ita milites reprehendit: non possum Sigoni non ex te querere, omisis cæteris, unde nam erueris tuos illos centuriones omnium ordinum.

HÆC sunt, quæ iterum in tresdecim paginis tui Aemiliani adiuuere placuit. reliquis enim prodendis in præsentia supersedere volui: ut quam primum tuas confutem calumnias: & errata, quæ tam pueriliter, & imperitè tueri conatus es, & vtriusque linguæ ignorantiam confirmem. His absolutis, tibi, quod reliquum est promissi mei, diligentissimè persoluiam. Nam à me vtrunque, & ut sine mora, ut par est, tibi respondeam, & reliqua persequar, ab optimis viris, & literatissimis efflagitari, & literis multorum, & sermone omnium, ad me perfertur.

LECTORI.

CASUS habes humanissimè Lector, quibus impulsus iterum aduersus Sigonium scripserim. Hic quidem homo is est Suffenus: ut non solum nimirum sibi placeat, sua miretur, ac magnificè de se prædicet: sed eos etiam, à quibus non suspicitur, colitur; & in cælum laudibus effertur: omnes in numerum inimicorum, hostiumq; referat: schedulis famosis spargendis, literis conuictorum plenis clâ subministrandis, ac sine suo nomine mittendis, annotationibus denique, & libris alieno nomine edendis infectetur assidue, planeque dilaceret. Tanta porro superbia, & arrogantia: ut cum literatissimos quosque huius memoriæ viros omnino despiciat, ac hominè desertum præ se ducat neminem: tum optimos omnis antiquitatis auctores: dum ipse res easdem melius, elegantius, concinnius aptius, atque rotundius explicare posse sibi persuasit, omnes mutando, addendo; detrahendo, & loco mouendo ita perturbarit, atque labefactarit: ut eos in ordinem redegisse, ac prorsus infamasse videatur. Quam verò vim latinorum verborum, vsumque teneat, satis iam ex iis, quæ adhuc in illum edidimus, esse perspicuum arbitror. At de historiæ cognitione, eiusque scribendæ facultate, in qua multis præter cæteros excellere visus est, quoque vna vbique tantopere se iactare, & tanquam cupressum inculcare consuevit, ita sentio: Eum, etiam si quicquid ab vrbe condita vsque ad mortem Augusti

gestum,

gestum sit, planè teneat, ac memoriter narrare possit. id quod etiã per multi passim mercatores, & homines imperiti bellissimè faciunt tamen ad alia potius omnia natum factumque videri, quam ad historiam scribendam cum ex aliis illius scriptis: tũ vero ex hac, quã falsò Scipionis Aemiliani historiam appellat, cum potius imperfecta, ac inepta quædam laudatio dici possit, quaque vna gloriatur, se Venetus dignum iudicatum fuisse, qui in locum Robortelli viri admirabili ingenii prudentia, ac celeritate, solida, cumulatãque omnium ingenuarum artium cognitione, subrogaretur, colligi facile potest. Nulla est enim ibi periodus, in qua leges historię serauerit: adedò ordinem perturbauit, & nunc minuendo, nunc nimis amplificando, & commemoratione dignissima omittendo, omnia corruptit, mendacisq̃ue referit. Vt mirum mehercule sit, hominẽ quinquagennarium, ac tot annos publicè interpretandi munus obuentem in opere tam paruo, & omnium postremò tot, ac tam fœdos errores committere potuisse. Quanquam velim scias, Sigoniu annis iam duobus, & viginũ Mutinæ hunc eo modo, quo dicitur alibi, commentarium scripsisse, & annis septem post, sine vllò iudicio totum in Fastos coniecisse. vbi & si infinita penè conspiciuntur errata; maior tamen in hoc inde iterum conflato libello antiquitatis explicandæ inscitia, longeq̃ue plura, ac turpiora fragitiaprehenduntur: vt diceret, eum hos ipsos xxii. annos nihil progredi, sed retrogradi didicisse de more Scarabei fœtidum opus auersis pedibus voluentis, ac impellentis. Quæ quidem omnia & si adhuc apertissimè demonstraui, longè tamen apertius, & vberius alio me loco demonstraturum sanctè polliceor, ac in me recipio. Vt omnes, qui ad hunc vsque diem Sigonium antiquitatis quasi parentem putarunt: eo diutius in errore nō versentur; simulq̃; quanti eius doctrina faciendã, quantaq̃ue scriptis eiusdem fides sit adhibenda statuant; & ipse iam tandem hac vna re insolentius iactare se, desinat: & illud Plautinum semper meminerit: cornutam bestiam. Tu verò lector candide, mihi ignosce, siquid in eum asperius dixisse tibi videbor. is enim culpam sustinet: qui me verbis contumeliosissimis lacepsit, cum ego in primis illius erratis leuissimis vsus fuerim eum mea sponte, tum ipsius rogatu, vt ex hac epistola ad me lingua materna scripta cognosces.

MOLTO

MOLTO MAG. S. MIO OSSERVANDISS.

HO ricevuto il vostro Scipione con la Lettera . nella quale vi mostrate molto alterato verso di me , perehe io habbia stampata quella vita che feci già . ne so perche , essendo che in niun conto vi pungo , o accenno . Se voi dunque volete sfogarui per altro rispetto , fate (come altre volte v'ho detto , o scritto) come vi pare . ma vi prego per l'amor di Dio , siate , come sete , modesto nello scriuere , & prouatemi poi che sia il maggior asino , o bestia , che viua , che insin ad hora vi perdono . & vi prometto di non vi rispondere . tanto è il rispetto che vi voglio hauere . & questo sia detto , se bene ho compreso la sententia della vostra Lettera , la quale mi par minacciare . se non è così , sia per non detto . Vi ringratio della laude laquale mi hauete data . saluo se non è vna di quelle bugie che scriuete hauer scritte di me , & che volete leuar via , io per me , se voi vorrete scriuere nelle materie , nelle quali io ho scritto , nel modo che ho fatto io , non solamente non mi turberò , ma vi ringratierò . Vi bascio la mano . In Bologna il 9. di Nouembre. 1569.

Tutto alli seruij vostri prontiß. Carlo Sigonio.

Dixi supra te hanc Scipionis historiam coniecisse in Commentarium Fastorum : & sæpius hic , quam illic lapsum fuisse : quod , vt , an , verum sit , cognoscatur , duos huc tantum locos trasferam alterum ex Fastis , alterum , ex hoc libello , vt ex vtriusque collatione appareat acies ingenui tui , & exquisita doctrina . adiungam etiam meam Appiani versionem , ut lectori minuatur labor.

Ex Commentario in Fastos pag. 79.

Consules cum re sapius tentata nihil adhuc efficere potuissent , tandem commodissimum rati futurum , si per quandam murorum partem , qua paulò ante deiecta nondum probè fuerat restituta inuaderent , ea omninò ex improviso irrumpere constituerunt . At verò Scipio cum Pænos cognito consulum consilio suos ita disposuisse audisset , vt alij armati Romanorum impetum sustinerent , alij inermes ligna , & lapides in eos ingredienti ex loco superiore conijcerent , maximum , quod Romanis militibus . iminere periculum prouidebat , sibi esse propulsandum censuit . Itaque cum cohortes suas in plures partes distribuisset , easque non procul à muris ex intervallo

teruallo constitisset, datis mandatis effecit, ut non eos solum, qui in urbem irrumpere, sed illos etiam, qui laceffentibus instare hostibus cuperent, à certamine cohiberet. In epitoma Liuiana scriptum inuenio, hanc consilij temeritatem non consulibus tribui, sed duobus tribunis, qui cum neglectos ab vna parte muros, cum cohortibus inuasissent, & ab hostibus grauius caderentur, à Scipione esse potissimum conseruatos. ab eodemque castellum Romanorum, quod nocte oppugnabatur paucis equitibus adiuuantibus liberatum. Ad hac verò cū Censorini discessu, qui Romam comitiorū causa decesserat, maioribus animis Pænis sumptis sūma vi ex vrbe silētio noctis egressi castra Romanorum infesta redderent, Scipio è portis castrorū egressus ijs, quæ longius à pralio aberant, cū impetum in Carthaginienses fecisset, eos tum repentina eruptione adeo exterruit, ut ex templo castra Romanorū reliquerint, & intra mænia se receperint.

Ex lib. de vita, & rebus gestis Scipionis Aemiliani pag. 7.

Cum consul oppugnatione vrbis saepe frustra tentata per quandam murorum partem, quæ paulò ante deiecta non dum probe fuerat restituta, ex improviso irrumpere cogitasset, ac Scipio Pænos prærepto Imperatoris consilio suos ita disposuisse audisset, ut alij armati Romanorum impetum sustinerent, alij inermes ligna, & lapides in eos ingredienti ex loco superiore conijcerent, quin maximum propulsaret periculum, quod suis iminere providebat, haud sibi esse cunctandum censuit. Quare cum cohortes suas in plures partes distribuisset, easque non procul à muris ex interuallo constitisset, datis mandatis effecit, ut non eos solum, qui in urbem irrumpere, sed illos etiam, qui laceffentibus instare hostibus cuperent, à certamine cohiberent. Quanquam apud Liuium inuenio hanc consilij temeritatem non consuli ascribi, sed duobus militum tribunis, quos ille scribit, cum neglectos ab vna parte muros cum cohortibus inuasissent, & ab hostibus vehementer premerentur à Scipione esse potissimum conseruatos. Cui illam etiam deberi laudē adiungit, quod paucis equitibus adiuuantibus, castellum Romanorū nocturna oppugnatione liberauit. Post autem cum Pæni summa vi ex vrbe silentio noctis egressi castra Romanorum adorti essent, vnus item extitit Scipio, qui subito consilio salutem attulerit. Etenim è portis castrorum egressus ijs, quæ à pralio longius aberant, cum impetum in Carthaginienses fecisset, illos repentina irruptione ita pertere fecit, ut ex templo relictis castris intra mænia se receperint.

Deiecta

Sic. Appianus in Libya. & Liui. lib. 49.

Deiecta quadam parte muri à consule Censorino, campus late patens, & ad pugnam aptus intus apparuit: vbi Carthaginenses constituti fuerant milites, partim in fronte armis instructi, alii post hos lapidibus, & lignis muniti, permulti etiam in ædificiis ipsi campo iminentibus, dispositi, expectabant, vt Romani irrumperent. Romani vero milites orta luce, præter quam quod illuc irruere cupiebant, vbi videre se ab inermibus contemni, alacriter in eos impetum fecerunt. Scipio vero tunc Tribunus se continuit, suis cohortibus in plures partes diuisis, & iis iuxta murum, ex interuallo collocatis, & suos ingredi in urbem prohibebat, & ingressos excipiens ab hostium vndiq; prementium impetu tutos reddebat. Quare nomen eius magna esse cepit apud omnes gloria, cū militibus consulendo prudentior ipso consule videretur. Castellum quoq; Romanorū nocte ab hostiū incendio liberauit. Non multo post discessu Censorini (Romam ad magistratus rogandos profectus erat) audaciores facti noctu vrbe egressi sunt partim armati, alii inermes, asseres tantum ferentes: quos cum proximæ Manilii fosse inieciissent, strenue, valium diuellere, ac perirumpere ceperunt. Quare perterritis, quod nox erat, Romanis, Scipio ea porta quæ longius ab hostibus, & prælio aberat egressus cū equitibus Pœnos perterritus, & intra mœnia sese fuga recipere coegit. Quo egregio facinore Romanis in tanta trepidatione iterum salutem ea nocte fuisse vna omnium voce ferebatur.

Primum videamus quid in vtroque loco addideris: deinde quid ademeris: tertio loco quoties lapsus fueris. Hæc in Fastis addidisti.

Consules cum re sapius tentata, nihil adhuc efficere potuissent, Tandem commodissimum rati futurum, si per quandam murorum partem, quæ paulò ante deiecta nondum probe fuerat restituta inuaderent, ea omnino ex improviso irrumperere constituerunt. At vero Scipio cum Pœnos, cognito consulum consilio, suos ita disposuisse audisset, vt alij armati Romanorum impetum sustinerent, alij inermes ligna, & lapides in eos ingredienti ex loco superiore conijcerent. Datis mandatis.

Sed illos etiam, qui laceissentibus hostibus instare cuperent à certamine cohiberent.

Summa vi. Repentina eruptione. Extemplo castra Romanorum reliquerint.

In Vita eadem, & hæc amplius.

Cui illam etiam deberi laudem adiungit.

Unus item exiit Scipio qui subito consilio salutem attulit.

Hæc omisit in utroque loco.

Campus late patens, & ad pugnam aptus intus apparuit.

Permuli etiam in ædificiis ipsi campo iminentibus dispositi expectabant, ut Romani irrumperent.

Quare nomen illius magna esse cepit apud omnes gloria, cum militibus consulendo prudentior ipso consule existimaretur.

Iam videamus quoties lapsus sis.

Re sapius tentata non est verum.

Probe fuerat restituta. App. οὐπω τί λείψις ἐγυγεμένην. id est. nec dum refectum. aliud est aliquid non esse probe refectum, & aliquid non esse refectum.

Constituerunt. Ergo non irrumperunt. nam constituere irrumperere non est irrumperere. neque semper, qui aliquid facere constituit, facit, summa hæc est; ex tuis verbis, non apparet Romanos illuc ingressos. in vita verbum mutasti, peiusque reposuisti, *cogitasset.* multa enim cogitamus, quæ non statuimus neque facimus. *Cognito consulum consilio.* hoc non dicit Appianus neque verum fuit. in vita eodem errore, *præcepto consilio,* dixisti.

Andisset suos ita deposuisse. neque hoc factum est, neque debuit fieri, cum Scipio videret, quomodo Pœni erant dispositi.

Alij inermes ligna, & lapides &c. Non ne iam milies dixi te cecidere iudicio, & ignorare vim latinorum verborum? si appellatio ne armorum, & telorum continentur ligna, & lapides, non dicitur is inermis, qui ligna, & lapides gestat. nec lignis erant armati Pœni, ut ea conicerent; sed ut eis percuterent hostes.

Ex loco superiore conicerent. ostende tu hunc locum superiorem. *iminere periculum providebat.* imperite. providere enim pertinet ad futurum. Romani iam cum Scipio id consilii cepit, erant in periculo. unde etiam id verbum cum presenti tempore modi infiniti non potest iungi, tu tamen dixisti *iminere providebat.*

Datis mandatis. neque hoc est in Appiano, ut demonstratum est, nec recte dicitur dare mandatum alicui, pro iubere, vel imperare, ut alibi ostendimus.

Qui laceissentibus hostibus, non lacecebant Pœni, sed lacessiti à Romanis se defendebant.

In stare laceffentibus hoſtibus, pro reſiſtere, non probō.

A certamine cohiberent. omni prorsus prudentia Scipionem ſpo-
lias cum. dicis eum à certamine prohibuiſſe ſuos, qui ab hoſtibus
premerentur.

*Duo Tribuni cum neglectos ab vna parte muros cum cohortibus
inuasiſſent &c.* Liu. lib. 49. Cum neglectos ab vna parte muros duo
Tribuni temerè cum cohortibus irrupiſſent, & ab opidanis graui-
ter cederentur à Scipione Africano expliciti ſunt. Non diſcedis à
tua conſuetudine corrupendi. Liuius temerè irrupiſſent. Tu,
inuasiſſent; quaſi idem ſit. ille oppidanis tu *hoſtibus*. ille grauius.
tu *grauius*. Liuius, expliciti ſunt; tu *potiſſimum conſeruatos*. Atq;
ita ſemper aliquid minus, vel maius dicis, aut detrahis, aut addis.
dum vis reddere verbum verbo. quòd de ſententia omnium doctiſ-
ſimorum vix fieri poteſt ſine reprehensione.

Silentio noctis, imperitè. App. *νυκτὸς*. id eſt nocte. Noctis ſi-
lentium apud latinos certum noctis tempus ſignificat, & pro nocte
intempeſta ponitur. Græcum autem verbum nullum certum tem-
pus ſtatuit.

E portis caſtrorum; ex vna tantum porta egreſſus eſt Scipio. etiā
ſi Appianus habeat *κατὰ πύλας*. nam Græci ſcriptores huius no-
minis vtuntur libentius numero multitudinis pro numero vnitatis.

Et hæc ſunt tua in xxv. verſibus errata in Cōmentario Faſtorū.
hæc eadem in Vita etiam commiſiſti, & quædam alia. Nam illic *ſta-
tuerant*, ſcribis. hic, *cogitaſſet*. vtrunque male. ſed plus eſt in ſta-
tuere, quam in cogitare.

Nam conſuli aſcribi. in Faſtis *non conſulibus tribui*. nullus eſt
qui ſoli Manlio id tribuat.

Sed duobus militum tribunis in Faſtis melius. *duobus tribunis*.
Vehementer premerentur. In Faſtis *grauius cederentur*. vtrunque
malè. ſed in Faſtis melius. nam multo plus eſt grauius cederentur,
quam vehemēter premerentur.

Potiſſimum. Potiſſimum dicitur de pluribus; ergo alii quoque
conſeruare Tribunos conaſti ſunt: quod nullus ſcribit, ſed in primis
ſcripto id te auctore fecit. ſed auctore Liuiō, ſolus Scipio.

Iam puto ex hac vnius loci collatione perſpicuū eſſe te verè imita-
tum eſſe cancrum retrogradientem. vnde illud ſemper in ore ha-
beas cenſeo. quarta luna natus. quid, ſi reliqua tua ſcripta ad hanc
rationem excutio? non ne ad ſaſamentarios & ſconbros deferentur?

Herbeſus

PERTVRBATE, NOVE, INVSITATE ET NON
proprie scripta.

E RRESVS receptum	pag. 5
Deprehensis nauibos	pag. 8
Supplicantibus pacem	pag. 12
Megalenses, pro Megalesia.	pag. 16
Pleminius translatus Romam.	pag. 17
Conuenire ad conditiones pacis.	pag. 19
Peregrè.	pag. 26
Peruenissent ad castra Annibalis per tria stadia.	pag. 26
Ad eos adoriendos pro ad se. ibidem.	
Gravioribus laudibus, & grauioribus praconiis ibidem.	
Dirempto praelio ad noctem.	pag. 27
Recolleto exercitu.	pag. 28
Tantum absuit, vt assequeretur: vt dum incautius se in hostes in-	
fert, in insidias precipitauerit.	pag. 29
Excitis obsidibus, transfugis, talentis.	pag. 31
Auxilio Numantinorum venire. pro Numantinis	pag. 32
Reducere Exercitum in castra pro fugere. Graece <i>φύγω</i> , nun-	
quam enim antea in his fuerat castris.	pag. 32
Hispanienses tumultus pro Hispanos.	pag. 32
Recipere se Chalcidem. pro nauigare. Graece <i>ἀνέπλευσε</i> .	pag. 33
Neutrum. pro neutram partem, vel neutros.	pag. 37
Simulato colloquio. de vno tantum.	pag. 38
Proditore amico. de eo Romano qui Mitridate occidere voluit qui	
proditor dici non poterat	pag. 38
Mandata facere.	pag. 38
Instruendos ingenuis disciplinis, atque honestis artibus.	pag. 45
Aliquanto.	pag. 45
Anteire domesticam gloriam alicuius.	pag. 46
Conferre se in Corneliā familiam. de adoptato.	pag. 46
Aemilia, & Cornelia familia.	pag. 46
Illius, pro sui.	pag. 46
Vsu, & ratione comperta	pag. 48
Traduce tempus in studiis. proponere, & consumere.	pag. 49
Perspicere coniectura.	pag. 49.

<i>Communicare res domesticas, & bellicas cum aliquo.</i>	pro <i>vinere</i>
<i>coniunctissime cum eo, & militiam exercere</i>	pag. 49
<i>Ascendere ad fastigium gloria.</i>	pag. 50
<i>Vnum, atque alterum monumentum.</i>	de duobus pag. 51
<i>Monumentum.</i>	pro facinore. pag. 51
<i>Asciscere aliquem arbitrum de pace.</i>	pro rogare aliquem præsente- rem, qui de pace concilianda agat inter aliquos. pag. 52
<i>Est mihi tecum summa vetustas.</i>	pro summa amicitia. pag. 54
<i>Ad trecentos equites mandavit.</i>	pro trecētis equitibus imperavit. 56
<i>Per tria stadia ad Asdrubalis castra progressus.</i>	pag. 97
<i>Sententia pugnae Tribunis placuerat,</i>	pro Tribuni ad pugnam im- pullerant. 98

ERRATA.

Ver. 8. verti, vertit. 27. ipse, ipsi. multos, multis. 32. iustrussissent, instruxissent.
nun, num. per difficilem, perdifficilem. CCC XXXII. CCC XXXVII. 31. in Chal-
cidem. Chalcidem. 36. comeatu, commeatu. equiterum, equorum. 37. inuitos,
inuitus. 40. Barbaris, barbari. Magis, regis. 41. colligisse, collegisse. 42. atque,
atque. 44. succelsiuis, succissiuis. 47. tante, tanta. 52. a his. 54. iam ab Asdrubate
aberrant. iam ab Asdrubale. CCC LXXV. passus aberrant. 60. quoque, quaque. 61.
postremo, postremo.

Luca apud Vincentium Busdracum

1570.

Cum licentia superiorū.